


世

本







世 本

宋 衷 注  
張 澍 集 補 注

編主五雲王

編初成集書叢

本

世

中華民國二十六年十二月初版

注者 宋

集補注者 張 澍 粹

發行人 王 雲 五  
長沙南正路

印刷所 商 務 印 書 館  
長沙南正路

發行所 商 務 印 書 館  
各埠

大

台

# 輯世本序

賜進士出身翰林院庶吉士知貴州玉屏縣事武威張 澍粹集補注

周禮瞽矇掌諷誦詩。世奠繫。鄭注云。奠或爲帝。杜子春云。帝讀爲定。其字爲奠。書亦或爲奠。世奠繫。謂帝繫諸侯卿大夫。世本之屬。又小史定世繫。辨昭穆。注謂帝繫世本之屬。天子曰帝繫。諸侯曰世本。杜子春謂小史主次序先王之世。昭穆之繫。述其德行也。楚語莊王使士亶傅太子蒧。申叔時曰。教之世而爲之。昭明德而廢幽昏焉。以休懼其動。注世。先王之世繫也。爲之。陳有德者世顯而暗亂者世廢也。後鄭云。世之而定其繫。謂書於世本。以世與繫爲一事解之。賈公彥云。王謂之帝繫。諸侯卿大夫謂之世本。又分言之。其實散則通稱矣。漢太史公司馬遷修史記。因周譜明世家。多采世本。然春秋正義云。今之世本。與司馬遷言不同。劉向云。世本。古史官明於古事者所記。錄黃帝以來。至春秋時。王侯諸國。世卿大夫繫諡名號。與左氏合也。唐史柳沖傳載柳芳言亦然。顏之推據皇甫謐帝王世紀說。爲左丘明所纂。劉知幾史通云。楚漢之際。有好事者。錄自古帝王侯卿大夫之世。終乎秦末。號曰世本。又曰。世本辯姓。著自周室。劉恕通鑑外紀。以爲世本經秦漢儒者改易。孔穎達尙書正義。以世本經暴秦。爲儒者所亂。是此諸本已。晉杜預采世本以爲春秋世族譜。然亦旁引傳記。不盡依世本也。要之。係秦漢以前書。中壘孟堅以爲出古

史官者近之。班彪以爲十五篇。劉向敍錄中祕書以十五篇爲二卷。索隱亦以爲十五篇。隨經籍志因之。云世本王侯大夫譜二卷。劉向纂纂云者。纂集之。非作也。觀更生自言爲古史官所記可知矣。隨志又有世本四卷。宋衷纂衷蓋注而廣之也。王侯大夫譜云。趙孝成王丹生悼襄王偃。偃生今王遷。是作者猶值趙王遷時。且司馬遷已採用。豈劉宋二人所作乎。然其書自宋時已不傳。鄭樵氏族略。王伯厚姓氏急就篇。所引寥寥。皆采獲他處。不見本書故耳。余繙閱細帙。有引用者輒著錄之。乃集得作篇。居篇。氏姓篇。帝繫篇。王侯大夫譜篇。共五篇。聊以管穴裨益宋注。其有聽瑩亦從闕如。庶幾存此一綫。異日博雅之士。因其絲莖。增補缺略。亦古籍之幸也。若顏之推謂此書有燕王喜漢高祖。殆非本文。蓋亦如神農本草。有豫章朱崖。趙國常山等郡縣。歸藏黃帝書。而坤啓箴。有堯降二女以妃舜之語。化益山海經。有長沙零陵桂陽諸地名。周公作爾疋。有張仲孝友。孔子作春秋。而曰孔丘卒。李斯作蒼頡篇。有漢兼天下海內。並厠豨鯨韓覆。討畔滅殘。皆爲後人所屬云。

# 世本後序

吾觀天老五姓之對。河圖記姓之篇。中侯賜姓之文。家語本姓之解。咸言氏姓。卓乎有聞。蓋古者聖人歛律定姓。以協五音。司商掌旅。協姓以定其名。瞽矇世奠繫。小史復辨其昭穆。宗伯掌禮秩。宗祝復等其親疏。厥事綦重。本原繫焉。楚三閭掌王族。以厲國士。晉九宗敘世系。以守宗祧。史伯之述祝融。以柔生嘉材。申叔之告太子。以昭明廢昏。此能言吾祖。郊子見師。不識其先。籍談見笑。與司馬遷爲史記。旣効周譜。實依世本。大載禮紀帝德。雖次帝繫。亦原世本。韋昭注國語。根氏以考其流。士安作世紀。采擇以溯其源。中壘言其記春秋名氏。與左傳相符。孟堅謂其敍黃帝以來。爲古史所錄。蓋得其實矣。漢初得之。倣爲劉氏承堯。皇甫著書。出于丘明之手。綏和元年。以世本相發明。封孔子之後。康成駁義。以世本言姓氏。分上下之別。亦復援以爲據。信其有徵也。而或指爲劉向所篡。何以腐遷先采其言。或又以爲宋衷所編。不知仲子實廣其注。故劉向以爲經。秦漢儒者改易。斯爲確論。傅巽乃謂秦漢好事者所作。未爲知言矣。若孫卿血脈。子雲家牒。聊謀姓譜。薛綜宗圖。幼安姓氏之歌。潛夫姓氏之志。仲遠姓氏之篇。摯虞族姓之記。杜預世族之書。承天姓苑之譔。賈家之要狀。英賢王儉之百家集譜。皆因襲此書。非同剽造也。至元魏徒尙門地。是三桓賢于四科矣。李唐競誇閥閱。而冠冕混于阜隸矣。彼林寶纂元和。不知己姓之由來。夾漈以爲

歎息。義府廣類例。乃以軍功升譜限。薦紳目爲勳格。何能如魯之衆仲。晉之胥臣。鄭之子羽。楚之射父乎。余旣痛錫士之義不著。常補風俗之佚文。念肉譜之說不明。用傳世本之古籍云爾。



# 世本卷第一

漢五業從事宋衷注

清武威

張

澍粹集補注

澍按三國志宋衷南陽章陵人。後漢荊州五等從事。與劉表共定五經章句。督郵班碑云爲五業博士。隨志云五業從事。又按魏略言樂詳云五業並授。卽五經也。衷定五經章句。故立此官。官之。今魏志作五等者訛。唐藝文志宋衷注世本四卷。詩正義引宋仲子注。仲子卽衷字。魏志作宋忠。字之通也。又有世本別錄及宋均注世本七卷。宋均漢書有傳。然謝承書宗資傳均爲宗資之祖父。則當作宗。范書作宋均誤。此宋均宜爲注緯書者。均於詩譜序曰。我先師北海鄭司農。則均是玄之傳業弟子。宗均字叔庠。卒于建初元年。鄭玄生于桓帝時。于獻帝五年卒。宗均不能爲其徒也。史記索隱云。裴注頻引孫檢注世本。不知其人本末。蓋齊人也。今采集此書。亦附宋均孫檢注數條。惣題宋衷。從其多云。又注稱宋衷宋忠宋仲子。或止稱注。各隨所見之書因之。若唐志所云王氏注世本譜二卷。今不可得矣。作篇。

澍按論衡對作篇云。言苟有益。雖作何害。倉頡之書。世以紀事。奚仲之車。世以自載。伯余之衣。以辟寒暑。桀之瓦屋。以辟風雨。夫不論其利害。而徒譏其造作。則倉頡之徒。有非世本十五家皆受責也。又按

周禮注智者創物。謂始開端造器物。若世本作者也。明堂位正義云。世本書名。有作篇。其篇記諸作事。  
伏羲制儷皮嫁娶之禮。禮記月令疏。

樹柅古史考云。伏羲制嫁娶。以儷皮為禮。儷。鹿皮也。通典唐志皆作儷。白虎通作離。云雙皮也。婚聘薦皮為裘服。不忘古也。何休云。儷皮玄纁。取其順天地也。鹿皮所以重古也。又楚詞云。命蹇修以為理。王逸注。伏羲臣。謂為媒理主婚姻。洪慶善以為宓妃。伏羲之女。故使臣以為理。修明嫁娶。禮始伏羲也。風俗通亦云。女媧禱祠神。而為女媒。因置昏姻。一云黃帝始制嫁娶。

伏羲作琴。山海經注。

樹柅通鑑前編音釋引世本云。伏羲氏削桐為琴。面圓法天。底平法地。龍池八寸。通八風。鳳池四寸。象四時。五絃象五行。長七尺二寸。以修身理性。反天真也。達靈成性。象物昭功也。係宋衷注文。又柅太平御覽。伏羲之琴名離。琴譜。伏羲琴名龍吟。樂錄。伏羲琴二十七絃。古今注以為二十五絃。郭璞云。十絃。琴操言五絃。並失之。當以二十七絃為是。廣雅。伏羲琴七尺二寸。或云三尺六寸六分。楚詞。伏羲駕辯。劉涓子曰。伏羲作琴製此曲。

伏羲作瑟。初學記。通志。樂略。廣韻。

樹柅通典引世本云。庖犧瑟五十絃。後黃帝使素女鼓瑟。哀不自勝。乃破為二十五絃。具二均聲。風俗

通引世本云。宓戲作瑟八尺一寸。四十五絃。黃帝書。秦帝使素女鼓瑟而悲。帝禁不止。故破其瑟爲二十五絃。書鈔玉海引世本云。伏羲作瑟五十絃。瑟潔也。使人清潔于心。淳一于行也。皆係宋衷注文。孫愐引云。庖犧作瑟。

神農作琴。風俗通初學記。

澍按博雅引世本云。神農氏琴長三尺六寸六分。上有五絃。曰宮商角徵羽。文王增二絃。曰少宮少商。伏羲琴長七尺二寸。上有五絃。當係宋衷注文。揚雄琴清英云。昔者神農造琴以定神。禁淫僻。去邪欲。反其天真。又按說文云。琴。神農所作。桓譚新論亦云。神農作琴。

神農作瑟。山海經注。

澍按路史。神農度瑤瑟。而保合太和。閑民欲。

女媧作笙簧。文選長笛賦注。太平御覽。明堂位疏。書鈔。風俗通。宋衷注。女媧。黃帝臣也。

澍按女媧。太昊氏之女弟。此言黃帝臣。誤矣。盧仝以爲伏羲婦。尤非。博雅引世本云。女媧作笙簧。笙。生也。象物貫地而生。以匏爲之。其中空而受簧也。當係宋注。帝王世紀。女媧氏。風姓。承庖犧制度。始作笙簧。唐樂志。女媧作笙。列管于匏上。納簧其中。風俗通書鈔引無笙字。

隨作笙。風俗通志樂略。通。宋衷注。隨。女媧氏之臣。路史注。

澍按藝文類聚通典引世本有未知其何代人也。句係注文。又按說文隨作笙。女媧氏作簧。是笙簧二器。或謂簧即笙中之簧。應劭引世本云。隨作笙。笙長四寸。十二簧。像鳳之身。正月之音也。物生故謂之笙也。當係宋注。

隨作竽。廣韻·文選注·太平御覽·路史注·太

澍按周禮春官疏。竽長四尺二寸。注。竽管類。用竹爲之。形參差象鳳翼。鳥火離。火數七。冬至之時歛之。冬水用事。水數六。六。七。四。十二。竽之長。蓋取於此也。

顓頊命飛龍氏鑄洪鐘。聲振而遠。太平御覽

澍按以氏春秋。顓頊命飛龍音龍作效。八風之音。命之曰承雲。以祭上帝。是飛龍氏能審音。故作鐘也。又按三墳。伏羲氏命臣飛龍氏造六書。是春皇時先有飛龍氏也。三墳又以朱襄爲飛龍氏。拾遺記。顓頊即位。受文德者。錫以鐘磬。有浮金之鐘。

祝融作市。初學記·太平御覽·玉篇。宋衷云。祝融。顓頊臣也。爲高辛氏火正。釋文

澍按古史考。神農作市。高陽氏衰。市官不修。祝融修市。然則市之作。自神農。祝融特因而修之。非作也。句芒作羅。玉海·路史注。宋衷注。句芒。伏羲臣。

澍按周易。庖羲氏王天下。結繩而爲網罟。古史考。伏羲氏觀蒙而作網。抱朴子。太昊師知蛛而結網。

芒作網。太平御覽。宋衷注。芒庖羲氏之臣。

澍按路史引作芒氏。或作句芒。呂氏春秋古史考並云伏羲作網。

黃帝使羲和作占日。史記索隱。玉海。

澍按呂氏春秋云。羲和作占日。占日者。占日之晷景長短也。大荒南經有羲和之國。有女子。名曰羲和。方浴日於甘淵。羲和者。帝俊之妻。生十日。郭注。蓋天地始生。主日月者也。故啓筮曰。空桑之蒼蒼。八極之既張。乃有夫羲和。是主日月職。出入以爲晦明。又曰。瞻彼上天。一明一晦。有夫羲和之子。出于暘谷。故堯因此立羲和之官。以主四時。尸子曰。造曆象者。羲和子也。廣韻。羲和造曆。又按司馬貞引世本無作字。

常儀作占月。史記索隱。玉海。

澍按常儀氏也。一作尙儀。儀古音與我同。後世遂有嫦娥之說。因音近而訛。春秋時有常儀靡。卽常儀氏後。杜預注爲地名。誤。占月。占月之晦朔弦望也。司馬貞引無作字。

臯區占星氣。史記索隱。

澍按臯區卽車區。亦作鬼容廬。實一人也。史記封禪書。黃帝得寶鼎宛胸。問于鬼臯區。又曰。鬼臯區。號大鴻。死葬雍。李奇注。區。黃帝時諸侯。占星氣。謂占星之昏明流實。主何瑞禎變異。及雲物恠變風氣方。

隅時候也。

伶倫造律呂。史記索隱。

澗按伶倫黃帝臣。史記律書黃帝使伶倫之大夏嶰谷取竹。截十二管以象鳳鳴。呂氏春秋黃帝使伶倫自大夏之西崑崙之陰。取竹之嶰谷生其竅厚薄均者。斷兩節間而斲之。以為黃鐘之宮。制十二筩以聽鳳凰之鳴。雄鳴六雌鳴六。以為律呂。晉志黃帝作律以玉為琯。長尺六寸。為十二月。言黃帝作者。明君得統臣也。一作泠綸。

太橈作甲子。春秋序正義。舜典疏。史記索隱。宋注太橈黃帝史官。

澗按月令章句云太橈探五行之精。占斗綱所建。於是始作甲乙以名日。謂之幹。作子丑以名月。謂之支。支幹相配以成六旬也。又按漢律曆志伏羲有甲子元曆。陳鳴曆書序云伏羲推策作甲子。是太昊時已有甲子。至太橈特配甲子作納音耳。非甲子始太橈也。橈一作撓。

隸首作算數。文選西京賦注。史記索隱。宋注隸首黃帝史也。

澗按隸首作九章算數。博物志黃帝臣一云黔如即隸首。呂氏春秋云黔如為慮首。史言作算之始者也。漢律曆志算法用竹。徑一分。長六寸。二百七十一枚。而成六觚。為一握。徑象乾律黃鐘之一。而長象

坤呂林鐘之長。又按文選注引無算字。

容成作調厯史與疏·太平御覽·史宋衷注容成黃帝之臣

澍按容成因五量治五氣起消息察發斂作調厯歲紀甲寅日紀甲子而時節定歲交己酉實黃帝之五十年也史記索隱云世本及律厯志黃帝使羲和占日常儀占月史區占星氣伶倫造律呂大撓作甲子隸首作算數容成綜斯六術而著調厯後漢書注引博物記云容成氏作厯注黃帝史官而律厯志云黃帝作厯者君得統臣也又按尸子云羲和造厯楊泉物理論以爲神農造厯日與世本說異

沮誦蒼頡作書廣韻·太宋衷注沮誦蒼頡黃帝之史官

澍按尙書序正義引云蒼頡作書無沮誦字周禮外史疏引云蒼頡作文字注蒼頡黃帝之史援神契云蒼頡視龜而作書淮南子云蒼頡作書天雨粟鬼夜哭呂氏審分覽云蒼頡作書高誘注蒼頡生而知書寫倣鳥跡以造文章說文庖羲氏始作易八卦神農氏結繩爲治黃帝之史蒼頡見鳥獸蹏呴之跡初造書契蒼頡之初作書蓋依類象形故謂之文其後形聲相益卽謂之字字者言孳乳而浸多也著於竹帛謂之書書者如也

沮誦蒼頡爲黃帝左右史唐六宋注云黃帝之世始立史官沮誦蒼頡居其職矣至於夏商乃置左右言

則左史書之動則右史書之故曰左史記言右史記事言經尙書事經春秋者也初學

澍按路史注引世本云史皇蒼頡同階不作沮誦未審也帝王世紀云黃帝史官蒼頡取象鳥跡始作

文字記其言動。謂之書契。而河圖玉版云。蒼頡為帝南巡。登陽虛之山。臨于玄扈洛汭之水。靈龜負圖。丹甲青文以授之。是蒼頡為帝。又非史官矣。而漢熹平六年。蒼頡廟碑云。蒼頡天生。德于大聖。四目靈光。為百王作憲。而孔演圖元命苞言。帝王之相曰。蒼頡四目。是謂並明。非人臣也。

史皇作圖。文選宣貴妃誄注。藝文類聚。太平御覽。宋衷曰。史皇黃帝臣也。圖謂畫物象也。

澍按類聚引世本云。史皇作畫。又按淮南子注。史皇蒼頡也。春秋元命苞云。蒼帝史皇氏。名頡。姓侯岡。龍顏侈哆。四目靈光。實有睿德。生而能書。及受河圖綠字。於是窮天地之變。仰觀奎星圓曲之執。俯察龜文鳥羽山川。指掌而創文字。治百有一十載。都於陽武。終葬衙之利鄉亭。亦以史皇為蒼頡。然路史引世本云。史皇蒼頡同階。是史皇非即蒼頡也。

黃帝作旂。爾疋釋文。宋均注。通帛為旂。冕冠之有旂者。路史注。

澍按太平御覽引世本云。黃帝作旂冕。春秋合誠圖曰。黃帝黃冠。三禮圖亦言黃帝作冕也。

黃帝作冕旒。士冠禮疏。宋仲子注。冕冠之有旒者。禮文殘缺。形制難詳。左桓二年疏。

澍按古史考。黃帝臣常先作冠冕。謂之元服。故加常先為冕侯也。

胡曹作冕。昭二十四年疏。太平御覽。宋忠注云。胡曹黃帝臣。藝文類聚。

澍按冕起於黃帝。加飾起自唐虞。又按物原荀始為冠。亦黃帝臣。



伯余作衣裳。太平御覽宋注余黃帝臣也。

澍按伯余即黃帝。河圖挺佐輔云。茶古舒字。或作余。即黃帝也。淮南子云。伯余之初作衣也。綾一作麻

索一作縷。手經指柱。一作後世爲之機杼。勝一作復。以便一作辨。其用許慎注。亦以伯余爲黃帝。

胡曹作衣。路史國名記

澍按古史考云。胡曹作袞服九章。

黃帝造火食。禮記疏

澍按逸周書云。黃帝始蒸穀爲飯。管子云。黃帝作鑽燧生火以熟蒙臊。民食充。無茲膈之疾。而天下化。

夷作鼓。通典通志

澍按夷即黃帝次妃彤魚氏之子夷鼓。其名鼓。以其作鼓。猶無句之稱磬叔。相土之號乘杜也。皇甫謐

謂夷鼓一名蒼林。古今人表以蒼林爲嫫母子。又按禮云。伊耆作鼓。

伶倫作磬。廣韻

澍按御覽引磬字作聲。通禮義纂。帝使伶倫造磬。羅泌云。伶倫造磬以諧八音。五音調以立天時。八音

交以正人位。

黃帝見百物始穿井。太平御覽

澍按逸周書黃帝穿井。又按說文八家爲井。象構幹形。墨子二舍共一井。

尹壽作鏡。事物原始注黃帝臣。

澍按玄中記云尹壽堯臣也。作鏡。此說誤。蓋鏡肇于軒轅。尹壽爲臣。君得統臣。故諸書又言黃帝作鏡。

也。堯師君疇。一作尹壽。字之誤。正字通希姓錄引世本均作系壽。疑誤。

於則作屣履。初學記。太注。於則黃帝臣。草曰屣。麻曰履也。

澍按御覽引無屣字。事物紀原引麻下有皮字。

蚩尤以金作兵器。初學記。太宋衷注。蚩尤神農臣也。

澍按路史引世本云。蚩尤作五兵。戈矛戟。曾矛夷矛。黃帝誅之。涿鹿之野。太平覽御引世本云。蚩尤作

兵。又按太白陰經。伏羲以木爲兵。神農以石爲兵。蚩尤以金爲兵。是兵起于太昊。蚩尤始以金爲之。管

子地數篇。蚩尤受葛盧山之金。而作劍鎧矛戟。春秋元命包。蚩尤虎捲威文立兵。宋均注。捲。手也。手文

威字也。呂氏春秋。蚩尤作兵。非作兵也。高誘注。非始作之也。

巫咸作筮。周禮龜人疏。宋衷注。巫咸不知何時人。

澍按歸匪易云。黃帝將戰。筮于巫咸。莊子逸篇。黔首多疾。黃帝立巫咸以通九竅。路史。神農時有巫咸。

主筮。太平御覽引世本宋注云。巫咸堯臣也。以鴻術爲帝堯之醫。郭璞巫咸山賦。序本之。古史考。殷巫

咸善占筮書伊陟贊。巫咸作咸。又四篇外國圖云。昔殷帝太戊使巫咸禱於山河。說文云。古者巫咸初作巫。王逸楚詞注。巫咸古神巫也。當殷中宗之時。隨志有巫咸五星占一卷。是其人善星厯審矣。且神農黃帝唐堯殷商時皆有巫咸也。又按古史考。伏羲作卦始有筮。其後殷時巫咸善筮。則筮不起於巫咸矣。

巫彭作醫。

山海經注  
初學記

澍按海內西經開明東有巫彭巫抵巫陽巫履巫凡巫相。郭注皆神醫也。說文云。古者巫彭初作醫。又按當時俞跗察明堂。識表裏陰陽之病機。雷公究息脈。詳炮炙之藥性。桐君定本草。採金石草木之藥材。僦貸季理色脈而通神明。寒衰知牛馬形氣生死之診。岐伯推太素之八十一問難。作內經而藏府別。經絡彰。王允得內經之旨。巫彭則處方盈餌。并湔澣刺治也。玉海引作巫咸作醫。與巫咸爲帝堯醫者合。

巫咸作銅鼓。

通典

澍按杜佑云。世本巫咸作銅鼓。蓋南中所制。又按漢馬援征五谿。作銅鼓。季漢諸葛亮征南蠻。作銅鼓以鎮之。蓋本巫咸之遺意。又按地理志。安邑巫咸山在南。王允黃帝經序云。解州鹽池北。一水名巫咸河。緯略云。今平陽有巫咸頂。云是巫咸修真處。更有巫咸山。巫咸墓。巫咸谷。在夏縣東。是巫咸。河東人。

也。而史記正義云。巫咸。吳人。今蘇州常熟縣西海虞山。上有巫咸巫賢冢。越絕書。虞山者。巫咸所出也。虞故神出奇怪。此史記正義所本。

共鼓貨狄作舟。藝文類聚。初學記。山海經注。廣韻。宋衷云。二人。並黃帝臣。

澗按玉海引世本云。古者觀落葉。因以為舟。當是宋注。又按共鼓見竅木。可以浮水而渡。即剝木為舟。化狐見魚尾。畫水而游。乃剝木為楫。以行舟。路史引貨狄作化狐。說文同。蓋化即古貨字。狐狄字形相近而易。又按山海經。番禺始為舟。墨子棄作舟。又工倕作舟。呂氏春秋。虞姁作舟。東哲發蒙記。伯益作舟。

倕作鐘。風俗通。初學記。廣韻。通志略。山海經注。宋注云。垂。黃帝工人。宋均云。舜臣。鑄大鐘。

澗按風俗通引世本云。垂作鐘。秋分之音也。通典玉海引世本云。黃帝工人垂造鐘。宋志引世本云。鐘者。黃帝工人垂所造。博雅。倕氏鐘十六枚。曹憲注云。世本垂造鐘。垂。舜臣。帝王世紀。響命倕作鞀。是垂為工之通名。非一人也。諸書皆以鐘為樂器。惟明堂位正義云。舜典垂作共工。鄭不見古文。以為堯垂所作。調和之鐘。爾疋釋文引世本。亦以垂所作鐘為飲器。山海經。伏羲之孫鼓延始為鐘。又云。伯陵作鐘。呂氏春秋。黃帝使榮媛造鐘。

垂作規矩準繩。玉篇

澗按漢律厯志權與物鈞而生衡衡運生規規圍生矩矩方生繩繩直生準準正則衡平而鈞權矣是爲五則規者所以規圓器械令得其類也矩者所以矩方器械令不失其形也準者所以揆平取正也繩者上下端直經緯四通也

垂作銚詩臣工疏宋仲子云銚刈也

澗按釋文引世本云垂作銚鑿左傳疏引無銚字毛傳錢銚也銚卽𨔵也管子云農之事必有一耜一銚方言𨔵燕東北朝鮮洌水之間謂之𨔵宋魏之間謂之鑿或謂之鑿江淮南楚之間謂之𨔵沅湘之間謂之畚趙魏之間謂之臬東齊謂之𨔵釋名云鑿銚刈地爲坎也

垂作耒耜齊民要術路史宋注垂神農之臣也

澗按高誘注淮南子郭璞注山海經並云垂堯巧工也而王篇云倕黃帝時巧人名此云神農臣耒審何本路史云垂句龍子夫神農作耒耜見於易爲斧斤作鉏耨見於周書矣

垂作耨傳三十三年疏

澗按古史考神農作耨說文云耨曲耕木也

咎繇作耒耜太平御覽

澗按世本既云垂作耒耜復云咎繇作耒耜夫倕爲巧工作耒耜有明徵若咎繇則未與聞也疑御覽

引有譌。御覽又引云。繇作耒耜。尤誤。

揮作弓。初學記。太平御覽。藝文類聚。注云。揮。黃帝臣。

澍按。唐世系表。以揮為青陽第五子。無据。少昊子作弓者。蓋般爾。揮自黃帝子也。類聚引世本注云。青陽氏子。揮以弧矢命世。與宋注異。初學記引揮下有始字。張勃吳錄。揮觀弧星。始制弧者。弧如張之星也。又按。越絕書。黃帝作弓。墨子。羿作弓。呂氏春秋。夷羿作弓。山海經。少昊生般。是始為弓。荀子。僮作弓。牟夷作矢。山海經注。初學記。射義疏。太平御覽。藝文類聚。注云。牟夷。黃帝臣。

澍按。矢亦曰箭。以小竹作幹。長三尺一寸。膠翎為羽。鍊金為簇。簇之可貫肢體。以威天下。荀子注及說文。作夷牟。山海經引世本作牟夷。又按。荀子云。浮游作矢。

逢蒙作射。藝文類聚。

澍按。世本言逢蒙作射者。蓋作射法也。故漢書藝文志。兵技巧十三家。有逢門射法二篇。顏師古曰。即逢蒙。呂氏春秋作蓬門。荀子史記皆同。莊子作蓬蒙。法言作逢蒙。音薄紅切。鹽鐵論作逢須。惟孟子作逢蒙。

雍父作杵臼。廣韻。太平御覽。宋衷云。雍父。黃帝字也。

澍按。字。御覽引作臣。說文亦云。黃帝臣雍父。近刻廣韻作羅父。誤。御覽引云。雍父作舂。玉篇引云。雍父。

作曰。又按呂氏春秋赤冀作杵。曰桓譚新論伏義作杵。曰然黃帝內傳以爲帝斬蚩尤。因作杵。曰斷木作杵。掘地爲曰。以火堅之。使民春粟。與易繫辭合。

胘作服牛。初學記。平御覽。太宋衷注云。胘黃帝臣也。能駕牛。又云。少昊時人始駕牛。

澍按胘。天中記作骸。牛一作馬。疑誤。路史引胘。上有臣字。路史注引世本云。胘爲黃帝馬醫。嘗醫龍。是以胘爲卽馬師皇也。一說寒哀爲馬師皇。呂氏春秋云。王父作服牛。父亦黃帝臣也。

相土作乘馬。楊倞荀子注。鄭康成周禮校人注。

澍按荀子云。乘杜作乘馬。楊倞注以其作乘馬。故謂之乘杜。相土契孫也。四馬駕車。起于相土。故曰作。以其作乘馬之法。當係宋注。而楊倞引作世本文。紀年云。帝相十五年。商侯相土作乘馬。而玉篇云。黃帝臣相乘馬。以相爲黃帝臣。又脫漏作字。誤矣。荀子呂氏春秋。皆云杜作乘馬。杜卽相土也。毛詩自土沮漆。齊詩作自杜沮漆。徹彼桑土。韓詩作徹彼桑杜。禹貢雲土夢作父。古文作雲杜夢作父。蓋字通也。尙書疏引王肅云。相土在夏爲司馬之職。掌征伐。

臘作駕。廣韻。

澍按太平御覽引世本云。乘雅作駕。呂氏春秋云。乘雅作駕。蓋乘雅合聲卽臘也。又按王父作大車之輓。輓端橫木縛輓以駕牛。乘雅造小車之軌。輓端上曲鈎衡以駕馬也。

奚仲始作車。山海經注。太平御覽。後漢書注。

澍按古史考黃帝作車引重致遠少昊時駕牛禹時奚仲駕馬左傳注奚仲為夏掌車服大夫後漢輿服志荀子注並云奚仲為車正淮南子奚仲堯時為車正文選注引文子云奚仲為工師山海內經謂奚仲子吉光以木為車郭景純注此言吉光明其父子共創意呂氏春秋審分覽奚仲作車高誘注奚仲黃帝之後任姓也傳曰為夏車正封於薛劉芳徐州記奚公山在滕縣東南六十里奚仲造車處上有軌轍見存又按服牛乘馬以利天下所起遠矣不始奚仲也

韓哀作御。文選聖主得賢臣頌注。宋衷曰韓哀韓文侯也時已有御此復言作者加其精巧也。漢書注。

澍按呂覽以寒哀與黔如隸首等並列蓋皆黃帝臣也又大禹之御有郭哀韓哀或即郭哀蓋同姓猶秦政稱趙政也仲子注為韓文侯殊無佐證顏師古謂特善御耳非始作也亦縣擬之詞韓呂覽作寒古韓寒字通一引本文哀下有侯字者非

宿沙作煮鹽。太平御覽。北堂書鈔。路史注。宋注宿沙衛齊靈公臣齊濱海故以為魚鹽之利。

澍按北堂書鈔引世本云夙沙氏始煮海為鹽夙沙黃帝臣路史注引宋衷注夙沙氏炎帝之諸侯今安邑東南十里有鹽宗廟一作質沙說文作宿沙在炎帝時或云在帝魁之世逸周書昔者質沙三卿朝而無禮君怒而久拘之譁而弗加譁卿謀變質沙以亡即此宿沙也仲子注為齊靈公臣失之御覽



書鈔路史引注不知何以差互如是

堯修黃帝樂為咸池樂記疏

澗按樂記云大章章之也注堯樂名也言堯德章明也周禮闕之或作大卷咸池備矣注黃帝所作樂名也堯增修而用之咸皆也池之言施也言德之無不施也周禮曰大咸正義曰黃帝作咸池堯增修而用之周禮大司樂謂之大咸咸池雖黃帝樂堯既增用之世本名咸池是也故此文次在大章下矣又黃帝之樂堯不增修者別立其名則大章是也其咸池雖黃帝樂堯增修者至周謂之大咸其黃帝之樂堯不增修者至周謂之大卷

無句作磬風俗通·博雅·明堂位疏·山海經注宋衷云毋句堯臣也初學記

澗按通典通志引世本云磬叔所造不知何代人未知誰注又按禮記疏皇侃云無句叔之別名古史考叔堯時人即無句也通禮義纂堯使無句作琴五絃樂錄云無句堯臣也為堯時人審矣博雅毋句氏磬十六枚曹憲注亦引世本毋句作磬云毋句堯臣也文選注引世本云叔舜時人疑誤路史注引世本云磬叔所造乃無句也傳玄七謨謂伯夔作磬無據羅泌云無句一作無間無郭引作毋字通

堯使禹作宮室初學記·太平御覽·玉海·爾疋釋文

澗按呂氏春秋高元作宮室高元黃帝臣建合宮以接萬靈陸賈新語黃帝作宮室白虎通黃帝作宮

室以避寒暑。是先于夏后氏也。淮南子。舜作室。築牆茨屋。令人皆知去巖穴。各有家室。又按路史引無室字。

化益作井。易釋文。路史。宋衷注。化益卽伯益。堯臣。

澍按初學記引世本云。伯益作井。太平御覽引作伯夷。誤。淮南子。伯益作井。而龍登玄雲。神棲崑崙。能愈多。德愈薄矣。

堯造圍碁。丹朱善之。北堂書鈔。

澍按路史。堯生丹朱。驚狠娼克。帝悲之。爲制弈碁。以閑其情。博物志。堯作圍碁。以教丹朱。

烏曹作博。文選博奕論注。

澍按中興書。桀作博。說文。局戲六箸十二棋也。揚子方言。博謂之蔽。或謂之箇。秦晉之間謂之博。吳楚謂之蔽。廣韻引世本。博作簿。山堂肆考。古者烏曹作博。以五木爲子。有梟盧雉犢塞。爲勝負之采。博頭有刻梟形者爲最勝。盧次之。雉犢又次之。塞爲最下。

緜作城郭。禮祭法疏。水經注。

澍按史記。黃帝爲五城。又云。軒轅黃帝築邑。汜勝之書。紀神農之教曰。雖有石城湯池。無粟則不能守。是炎黃已有城矣。呂氏春秋言緜以獸尾爲城。又云。夏緜作城。淮南子曰。緜作城。吳越春秋曰。緜築城。

以衛君造郭以守民此城郭之始也。又按博物志禹作三城強者攻弱者守敵者戰城郭又自禹作也。  
水經注引無郭字。

皋陶作五刑。路史注。玉海。

澍按淮南子皋陶瘖而爲大理。天下無虐刑。呂氏春秋皋陶作刑。後漢張敏議云。皋陶造法律。原其本意。皆欲禁民爲非者也。左傳夏書云。昏墨賊殺。皋陶之刑。風俗通。皋陶謨禹始造律。又按急就章云。皋陶造獄。法律存也。又按路史注引世本云。陶制五刑。

伯夷作刑。北堂書鈔。

澍按此言本呂刑伯夷降典。折民惟刑二語。御覽引作下有五字。

舜作簫。通典通考。

澍按通典引世本云。簫。舜所造。其形參差。以像鳳翼。十管。長二尺。當係仲子注文。又按五經通義。簫。編竹爲之。長尺有五寸。博雅。簫。大者二十四管。無底。小者十六管。有底。三禮圖。無底者謂之洞簫。有雅簫。長四寸。頌簫。長尺二寸。王逸楚詞注。舜簫名參差。又按通禮義纂。伏羲作簫。十六管。廣韻。女媧作簫。

夔作樂。初學記。

澍按禮記夔始制樂。以賞諸侯。淮南子。夔作樂。合六律。調五音。所以通八風。帝王世紀。堯命伯夔。放山。

川谿谷之音。作樂六章。天下大和。呂氏春秋慎行論。舜欲以樂傳教於天下。乃令重黎舉夔于草莽之中。而進之舜。以為樂正。事亦見孔叢子。水經注引樂緯曰。昔歸典叶聲律。宋忠曰。歸即夔。史記正義。宋均注。樂緯云。熊渠嫡嗣曰熊摯。有惡疾。不得為後。別居于夔。為楚附庸。後王命曰夔子。是以熊摯即為舜時典樂之夔者。夫摯之先鬻熊。乃當文王時。而其裔孫反在堯舜之世。謬矣。又按樂緯。叶聲儀也。未忠注云。歸即夔之歸鄉。乃今之秭歸縣地。有夔鄉。夔封于地。與酈氏引不同。

數首作畫。太平御覽。

澍按舜母握登死。瞽叟更娶東澤氏女。曰壬女。生數手及象也。數首一作數手。又作嫫首。或作擊手。又作擊手。顏師古云。數音口果反。作擊者誤。又按列女傳云。舜之女弟擊首。與二嫂諧。初學記。舜妹有數手。又按易通卦驗云。伏羲氏易無書。以畫事。此畫之始也。一云軒轅子苗龍。為繪畫之祖。事物原始。封膜作畫。

后益作占歲。太平御覽。玉海。

澍按書鈔御覽引世本。歲下有之法二字。玉海引云。后益作歲本。

季杼作甲。初學記。費誓疏。太平御覽。宋衷云。少康子名杼也。甲。鎧也。費誓疏。

澍按御覽引宋忠曰。杼。少康子與也。初學記引世本。與作甲。宋衷曰。與。少康子。又按介甲。函鎧。一也。年

世麻季杼名松蔓帝王世紀或作公孫蔓非也管子書以爲蚩尤作鎧路史引杼作甲無季字索隱引世本云季佇作甲

杼作矛路史

澍按杼卽季杼也中候杼作矛杼一作宁又作佇帝王世紀作后予

帝女令儀狄始作酒醪變五味初學記太平御覽酒誥疏宋衷注儀狄夏禹之臣

澍按國策言帝女令儀狄作酒初學記引帝女下脫令字今補夫有虞氏以酒養老而岐雷方有醪醴其來遠矣

少康作秫酒初學記太平御覽

澍按酒誥正義引世本云杜康作酒說文少康卽杜康也而博物志云杜康字仲寧漢時爲酒泉太守

或云黃帝時人

少康作箕帚太平御覽廣韻

澍按世本引有夏字

湯作五祀路史

澍按世本言湯作五祀故曲禮謂天子五祀歲徧鄭康成以爲商制漢志一戶二竈四門五井白虎通

高堂隆劉昭之說皆然。後漢魏晉皆從之。湯五祀戶井竈中雷行。有行無門。而月令乃有行無井。康成倣之。故隨唐以行代井。開元禮祀戶司命以春竈以夏門厲以秋行以冬雷以季夏。迨李林甫修月令始復井黜行。

桀作瓦屋。

澍按論衡對作篇文補。而史記龜策傳亦云桀爲瓦屋。又按古史考。夏后氏時。烏曹作甄。烏曹桀臣。作瓦屋。則需甄矣。張華博物記云。桀作瓦。

昆吾作陶。史記注。

澍按博物志。桀作瓦。蓋是昆吾爲桀作。君得統臣也。古史考。夏后氏時。昆吾氏作瓦。以代茅茨之始。呂氏春秋審分覽。昆吾作陶。高誘注。昆吾。顓頊之後。吳回之孫。陸終之子。己姓也。爲夏伯。制作陶冶。埏埴爲器。黃帝內傳。黃帝始作陶。蚩尤作冶。世本言昆吾作陶。蓋廣之爾。

紂作玉牀。太平御覽。

澍按物原。神農作牀。少昊作簀。說文。牀。身之安也。釋名。人所坐臥曰牀。牀。裝也。所以自裝載也。黃帝內傳言帝有七寶牀。則紂之玉牀。較後世之珊瑚玳瑁牀。不爲侈矣。作一引作爲。

武王作鑿。初學記。太平御覽。北堂書鈔。莊子釋文。宋均注。鑿。武飾也。

澍按御覽引世本娶作簾古今注云舜廣開視聽求賢人以自輔作五明扇是扇制遠矣武王之作娶以王后夫人車服輦車有娶卽緝雉羽爲扇以障翳風塵蓋本殷高宗有雉之祥服章多用翟羽有雉扇之遺意也高誘呂覽注娶棺飾也畫黼黻之狀如扇于僂邊天子八諸侯六大夫四也淮南子注娶狀如今要扇字本作𦉳先鄭引春秋傳作𦉳杜氏改爲娶

塤暴辛公所造風俗通詩何人斯疏文宋均注暴國公平王時諸侯暴辛公燒土爲之有三孔

澍按通典御覽引世本云塤暴辛公所造亦不知何人周畿內有暴國豈其時人也風俗通詩疏並引云周畿內有暴國之君豈其時人也塤本作壘圍五寸半長三寸半凡六孔路史引云暴周圻內國均係宋注又按毛詩序上帝板板凡伯刺厲王也詩已有如壘如籩之句厲王在平王前尙隔幽宣二主安得謂平王時諸侯所作乎且通麻云帝嚳造塤拾遺記庖羲灼土爲壘通典引宋注爲塤久矣此掌其官也古史考亦以世本爲謬又高誘注淮南繆稱訓云蘇諡信暴諡桓又與成辛不同書鈔引世本辛作新鄭衆曰塤有六孔與宋仲子注又不同郭璞爾雅注塤燒土爲之大如鵝子銳上平底形似稱錘六孔小者如雞子

蘇成公作籩風俗通詩何人斯疏宋均注籩籩孔有觜如酸棗蘇成公平王時諸侯

澍按書鈔引籩籩孔有觜如酸棗云云以爲世本本文誤又按舜時西王母獻玉琯則是已有籩安得

言成公始造。譙周古史考。古有塤。籥尙矣。幽王時。蘇成公善籥。暴辛公善塤。記者因以爲作。謬矣。應劭風俗通。爾疋釋文。並云籥。蘇成公所作。長一尺二寸。惟後漢書注引世本云。暴辛公作籥。以竹爲之。長尺四寸。有八孔。一孔上出。寸三分。與諸本異。與廣雅同。郭璞注。爾疋云。籥長尺四寸。圍三寸。一孔上出。寸三分。名翹。橫籥之小者。尺二寸。鄭衆周禮注。籥七孔。疏引禮圖。籥九孔。鄭司農周禮注云。籥七孔。蓋不數其上出者。故七也。蔡邕月令章句云。籥六孔。有距。橫籥之。或曰距。或曰翹。或曰觜。皆謂其上出之籥孔也。籥。廣雅作籥。月令作籥。

公輸般作石磬。後漢書張衡傳注。

澍按孔融肉刑論。賢者所制。或踰聖人。水碓之巧。勝于斷木掘地。後漢西羌東號子傳。水春河漕。注。水春卽水碓也。通俗文。水碓曰輻車。桓譚新論。慮義制杵臼之利。後世加巧。借身踐碓而利十倍。物原。軒轅臣雍父作碓。后稷作水碓。然則碓不始公輸。而水碓亦不起杜預也。太平御覽引作公輸般作磬磨。亦見古史考。又一引公輸般作鏝。

秦穆公作沐。北堂書鈔太平御覽。

澍按表記國君沐梁。大夫沐稷。士沐梁。喪大記注。士沐梁。天子之士也。差率而上之。天子沐麥與。又按沐事尙矣。茲言秦穆公作者。或分其等秩。或又加精也。



魯昭公始作璽因學紀

澍按老子云爲之符璽。莊子云焚符破璽。是璽古有之。運斗樞云黃帝得龍圖中有璽章。文曰天黃符璽。其言難据。唐六典注周書曰湯放桀大會諸侯取璽置天子之坐。是商以前已有之。或謂起于秦之乘輿六璽者亦非。且左傳季武子使公冶問在襄公二十九年而謂昭公始作璽可乎。

魯昭公作弁。太平御覽宋均云制素弁也。

澍按物原云昭公始以素絹爲弁也。

衛公叔文子作輓軸。太平御覽北堂書鈔

澍按輓軸尙矣。不始文子。

燧人作火。

澍按一切經音義引世本云造火者燧人。因以爲名者也。此係宋仲子注。據此以意補正文。



世本卷第二

居篇。

澗按史記吳世家。魏世家。水經注。太平御覽等書。引世本居篇。

涿鹿在彭城。黃帝都之。太平御覽。宋衷云。涿鹿在彭城南。後漢書注。

澗按太平御覽又引世本云。今上谷郡北自有彭城。非宋彭城也。當係仲子注文。路史引云。涿鹿在彭城東。有阪泉。宋注南字誤。魏土地記云。濟城東南六十里有涿鹿城。城東一里有阪泉。泉上有黃帝祠。則世本之言信矣。

若水。允姓國。昌意降居爲侯。太平御覽。

澗按水經。若水出蜀郡旄牛徼外。東南至故關。爲若水也。注。若木之生。非一所也。黑水之間。厥木斯植。故水受其稱焉。九州要記。嵩之臺登。有雙諾川。鸚武山。黑水之間。若水出其下。卽黃帝子昌意降居于此。又按杜預以昌意所封在郟。郟乃襄州樂鄉。非是南郡之郟。允姓爲秦所入者。世本以若水爲允姓。誤矣。

饒內舜所居。困學紀聞。

澍按饒內一作姚虛。帝王世紀作媯虛。杜岐公曰。卽國語之羸內音媯虛。漢書地理志漢中郡西城下注。應劭云。世本媯虛在西北。舜之居。路史國名記引世本云。媯虛在西城西。舜居之。水經注引世本曰。舜居媯汭。在漢中西城縣。或言媯虛在西北。舜所居也。或作媯墟。故舜所居也。後或姓姚。或姓媯。皆是。宋衷注文。

夏禹都陽城。避商均也。又都平陽。或在安邑。或在晉陽。漢地理志。正義。玉海。史記。

澍按太平御覽引世本云。夏后居陽城。本在大梁之南。於戰國大梁。魏都。今陳留浚儀是也。此係宋注。史記正義漢地理志並引世本云。禹都陽城。又按地理志。以潁川陽城爲禹都。非也。當以濮澤之陽城爲是。蓋堯舜皆都河東北。不居河南耳。譙周古史考以鄭厲入櫟。卽是陽城。亦非。

契居蕃。水經注。

澍按蕃卽潘邑。契封地。華陰鄭縣有欒都城。故潘邑也。魏土地記。下雒城西南。故潘城。水經注。渭水東逕欒都城北。故潘邑。殷契之所居。闕駟十三州志。蕃在鄭西。今之欒城是矣。地有商山。帝王世紀謂在商洛也。通典以商洛爲商君封。誤。酈道元曰。契始封商。魯連子曰。商在太華之陽。皇甫謐闕駟並以爲上洛商縣也。殷商之名。起于此矣。

昆吾爲夏伯。夏衰。遷於舊許。章昭國語注。

澗按昆吾居帝丘卽陶唐火正闕伯之所居也

昭明居砥石書序正義宋衷曰相土就契封于商春秋左氏傳曰闕伯居商丘相土因之殷本紀注

澗按荀子成相云契玄王生昭明居于砥石遷于商砥石卽底柱也至子相土乃遷商丘

昭明復遷商路史後紀

澗按昭明子相土遷商此言誤說見居砥石注

祖乙遷于耿書序正義

澗按水經注汾水逕耿鄉城故殷都也帝祖乙自相徙此爲河所毀故書序曰祖乙圮于耿杜預曰平陽皮氏縣東南耿鄉是也盤庚以耿在河北迫近山川乃自耿遷亳史記祖乙遷于邢索隱曰邢音耿今河東皮氏有耿鄉是此邢非邢洛也詩地理考引通典邢州治龍岡縣祖乙遷邢卽此是耿卽邢也而孔安國書序注云圮于相遷于耿皇極經世祖乙圮于耿徙居邢蓋本史記通鑑前編祖乙元祀圮于相徙都于耿九祀圮于耿徙都于邢則索隱音耿爲邢者誤

相土徙商丘本顓頊之虛故陶唐火正闕伯之所居也太平御覽

澗按商丘卽帝丘陶唐火正闕伯居之夏伯昆吾亦都此殷相土又徙居故春秋傳曰闕伯居商丘相土又因之服虔左注相土契之孫因之者代闕伯之後居商丘故湯以爲天下號

相徙帝丘於周爲衛地理通釋

澍按皇甫謐曰夏相徙帝丘依同姓之諸侯于斟尋氏即汲冢書所云相居斟灌也

武王居鄆文選西都賦注

澍按說文鄆在京兆杜陵西南括地志鎬在雍州西南三十二里澇水源出長安縣西北澇池通典今

長安縣昆明池北澇陂是嚴彭祖春秋會盟圖云鄆鎬相去二十五里

周公居少昊之虛詩地理考

澍按史記正義少昊虛即壽丘

揚公徙魯史記索隱宋忠注魯今魯國

澍按皇甫謐云魯國即曲阜縣

懿王徙於犬丘史記索隱宋衷云懿王自鎬徙都犬丘一曰廢丘今槐里是也時王室衰始作詩也索隱

澍按史記周紀懿王之時王室遂衰詩人作刺漢匈奴傳懿王時王室遂衰夸狄相侵暴虐中國中國

被其害詩人始疾而歌之曰靡室靡家玁狁之故豈不日戒玁狁孔棘注小雅采薇之詩也古今人表

懿王時詩作注政道既衰怨刺之詩始作然則采薇爲懿王之詩矣漢書懿王名堅

懿王居犬丘平王徙居洛帝王世紀地理通釋

澗按括地志云。犬丘故城一名槐里。亦曰廢丘。在雍州始平縣東南十里。地理志云。扶風槐里縣。周曰犬丘。懿王都之。秦更名廢丘。高祖三年更名槐里。

敬王東居成周。遂徙都至赧王。徙居西周。帝王世紀地理通釋。宋衷曰。洛誥所謂新邑也。

西周桓公名揭。居河南。東周惠公名班。居洛陽。戰國策注史記索隱。

澗按地理通釋引世本云。西周桓公揭居河南。周惠公班居洛陽。赧王時。東西周分治。西周河南也。東周鞏也。

吳孰哉居藩離。史記索隱。宋衷云。孰哉。仲雍字也。藩離。今吳之餘暨縣也。

澗按一引宋衷云。雍是孰食。故曰雍字孰哉也。路史引藩離作番離。吳地志。仲雍墓在吳郡常熟縣西海虞山上。

吳孰姑徙句吳。史記索隱魏都賦注。注云。孰姑。壽夢也。句吳。泰伯始所居地名。代謂祝夢乘諸也。壽孰音相近。姑之言諸也。毛詩傳讀姑爲諸。孰姑壽夢爲一人。又名乘也。

澗按文選注引世本文。句吳下有句音溝三字。服虔左注云。壽夢發聲也。吳蠻夷言多發聲。數語共成一言。壽夢一言也。經言乘傳言壽。欲使學者知之也。史記正義。太伯居梅里。在常州無錫。去東南六十里。至十九世孫壽夢居之。號句吳。諸樊南徙吳。至光使子胥築闔閭城。都之。今蘇州也。司馬貞以顏師

古注漢書以句言吳者夷之發聲猶言於越耳而宋衷以為地名吳人不聞別有城邑名句吳也世本之言或難依據

諸樊徙吳史記注

澍按詩地理考引世本云孰徙丹徒句吳家楚徙吳家楚二字誤宜作諸樊諸樊名遏壽夢之子

唐叔虞居鄂路史國名記晉世家注宋衷云鄂地今在大夏晉世家注

澍按杜左注鄂晉別邑括地志鄂城在慈州昌寧縣一里史記正義鄂與絳州夏縣相近禹都安邑故

城在縣東北十五里故云在大夏也然封于河汾二水之東方百里正合在晉州平陽縣不合在鄂

康叔居康從康徙衛詩地理考宋忠云康叔從畿內之康徙封衛衛即殷虛定昌之地畿內之康未知何在也

澍按北堂書鈔引世本云康叔封衛衛世家注引云康叔居康

成公徙於帝丘漢地理志

衛戴公居曹路史國名注

澍按宋桓公立之廬于曹泉水載馳之詩皆言衛地西征記今白馬城古衛之曹邑戴公東渡河處此文公遷楚丘城彖記曹齊桓公築



衛成公徙濮陽衛世家注。宋忠云濮陽帝丘地名濮音卜。

澍按衛成公自楚丘遷此。衛元君又自濮陽徙野王。

蔡叔度居上蔡。史記正義詩地理考。

澍按水經注引世本曰上蔡也。九江有下蔡。故稱上。當是宋注文。上蔡在汝南。

蔡胡徙居新蔡。詩地理考史記正義。宋忠云故名其地為新蔡。王莽所謂新遷者也。水經注。

澍按管蔡間王室放蔡叔而遷之。其子胡能率德易行。周公舉之為卿士。以見於王。王命之以蔡申呂地也。以奉叔度祖。是為蔡仲。史記正義引宋忠云胡徙居新蔡。即世本本文。非宋注。

蔡平侯徙下蔡。史記正義史記正義。

澍按司馬貞云今世本無者。近脫耳。又按歐陽忞云平侯自上蔡徙都新蔡。史記正義引宋忠云平侯徙下蔡。酈道元曰春秋外傳云當成周時。南有荆蠻申呂。姜姓矣。呂蔡平侯始封也。

昭侯徙州來。路史國名記。

澍按羅泌云昭侯徙此。號下蔡。樂史云下蔡有二處。水經淮水東岸一城。即下蔡。新舊二城對據是也。

曹叔振鐸居曹。地理考。宋忠云曹今濟陰定陶縣。

澍按曹世家注引世本云叔振鐸封于曹。

錯叔繡封于滕。路史·陳杞世家注。宋衷注。今沛國公丘是滕國也。

澍按杜預釋例譜云。滕姬姓。文王子錯叔繡之後。武王封之居滕。今沛郡公丘縣是也。漢地理志以爲

周懿王子錯叔繡封公丘。水經注亦以爲周懿王子錯叔繡文公所封。未詳所據。

微子居宋。史記

澍按史記注引世本云。宋更曰睢陽。澍以意補此句。王符云。帝乙元子微子開。武王封之于宋。今之睢陽是也。

宋都商丘。更名睢陽。史記注·地理通釋。

澍按括地志。宋州城。古闕伯之虛。卽商丘也。

楚子熊渠封仲子紅于鄂。寰宇記。

澍按路史國名記引世本云。熊渠中子紅封鄂侯。一引作東。

楚鬻熊居丹陽。左相二年疏。宋仲子云。丹陽在南郡枝江縣。

澍按穎容春秋釋例云。楚居丹陽。今枝江縣故城是也。

楚武王徙郢。左相二年疏。宋衷云。今南郡江陵縣北有郢城。

澍按武王一引作文王。通典郢卽南郡江陵縣北紀南城是。又按史記楚世家。蚡冒卒。弟熊達立。是爲

楚武王左傳正義曰杜注蚡冒楚武王父不從史記劉炫以世家規杜蚡冒是兄不得爲父

楚武王墓在豫州新息史記正義

澗按括地志新息在上蔡縣東北五十里又按水經注葛陂城東北有楚武王家民謂之楚王琴城北祝社里下土中得銅鼎銘云楚武王是知武王隧也

周宣王二十二年封庶弟友于鄭水經注

澗按十二諸侯年表宣王元年封與此違異春秋國語並言桓公爲周司徒以王室將亂謀于史伯寄帑賄于虢檜幽王實戲桓公死之平王東遷武公輔王室滅虢檜而兼其土故周桓公言于王曰我周之東遷晉鄭是依乃遷封於彼左傳鄭伯謂公孫獲曰吾先君新邑于此是指新鄭爲言矣班固應劭鄭玄皇甫謐裴顛王隱闕駟及諸述作者咸以西鄭爲友之始封而薛瓚謂爲東鄭非也竹書紀年晉文侯二年周惠王子多父伐鄧克之乃居鄭父之丘名之曰鄭是曰桓公司馬貞曰鄭縣名屬京兆帝王世紀云或言縣故有熊氏之虛黃帝之所都鄭氏徙居之故曰新鄭

鄭桓公居棫林徙拾左昭十六年疏宋衷云棫林與拾皆舊地名封桓公乃名爲鄭至鄭武公東徙新鄭之後

其舊鄭改爲縣也

澗按棫林國語元和志通典寰宇志皆作咸林左襄六年注棫林許地班氏地理志宣王弟桓公封應

劭云。母弟友所封。子與平王東遷。更稱新鄭。瓚云。穆王以下都西鄭。不得以封桓公。桓公無封京兆之文。師古亦非之。蓋是采于彼。非至此始有鄭名也。

鄭厲公徙居櫟。

史記索隱

宋衷注云。櫟。今之許昌陽翟。昔武王至周曰。吾其爲有夏之居乎。遂營洛邑。謂櫟

也。

路史

澍按。櫟卽鄭初得十邑之櫟也。世本本文不存。今據注補。水經注引宋忠曰。櫟。今陽翟也。周末韓景侯自新鄭徙都之。索隱引宋衷云。櫟。今潁川陽翟。

文公徙鄭。

史記索隱

宋衷云。卽新鄭也。

澍按。御覽引注云。今京兆新鄭也。

召公居北燕。

史記正義

宋衷云。有南燕。故云北燕。

澍按。括地志。燕山在幽州漁陽縣東南六十里。國都城記。地在燕山之野。故國取名焉。輿地廣記。武王

封帝堯之後于薊。又封召公于北燕。其後燕國都薊。詩補傳云。薊後改爲燕。猶唐之爲晉。荆之爲楚。或

曰。黃帝之後。封于薊者已絕。成王更封召公奭于薊。爲燕。司馬溫公云。春秋時。北燕至微。區介蠻貊。不

與中國會盟。太史公世家以媾姓之燕。仲父伐周。惠王者爲北燕。誤矣。

燕桓侯徙臨易。

史記正義

宋忠曰。今河間易縣是也。

澗水經注。易水又東。逕易縣故城南。昔燕文公徙易。卽此城也。是徙易者非桓侯矣。桓侯父宣侯子莊公。

桓侯又居新鄴。路史國名記。

澗按呂氏春秋有揚鄴。宜卽此地。居路史引世本作又君新鄴。商世侯國。不知其姓。居作君誤。

邾顏居邾肥徙鄆。左莊五年疏。宋仲子云邾顏別封小子肥于鄆。爲小邾子。

澗按顏真卿家廟碑云邾武公名夷父。字曰顏子友。別封鄆爲小邾子。遂以顏爲氏。

東樓公封于杞。陳杞世家注。宋忠曰杞今陳留雍丘縣故地。

澗按地理志云雍丘縣故杞國。周武王封禹後爲東樓公是也。

畢萬居魏。昭子徙安邑。文侯亦居之。漢書注。

澗按畢萬晉獻公封之魏。輿地廣記河中府永樂縣古魏國。又按魏世家魏絳卒諡爲昭子。徐廣注作

莊子。索隱云世本錯也。居篇又曰昭子徙安邑。與世家同。是當作昭子。

魏武子居魏。魏悼子徙霍。史記索隱。宋衷云霍地名。今河東蔚縣。魏今河北魏縣是也。

澗按史記世家武子生悼子。悼子徙治霍。而世本王侯大夫譜云武仲生莊子絳。無悼子。而此篇云云。

是有悼子也。內外傳皆有悼子。

趙衰爲原大夫。史記注。宋衷云。今雁門平原縣也。

澍按史記正義云。宋衷說非也。括地志。故原城在懷州濟源縣西北二里。左傳。襄王以原賜晉文公。原不服。文公伐原以示信。原降。以趙衰爲原大夫。卽此也。原本周畿內邑。

趙成季徙原。史記索隱。

澍按成季卽衰。衰字子餘。

韓景子居平陽。平陽在山西。史記索隱。宋忠云。平陽。今河東平陽縣。

澍按本文末句。是注文闕入。藝文類聚引云。韓貞子居平陽。平陽在山西。韓世家索隱曰。世本作平子。名頃。宣子子也。竹書紀年。晉烈公元年。韓武子都平陽。平陽。晉州臨汾縣地。水經注。晉獻公滅耿。以封趙夙。後襄子與韓魏分晉。韓康子居平陽。魏桓子都安邑。號爲三晉。又按世本作景子。史作貞子。水經注作康子。差互如此。

中山武公居顧。桓公徙靈壽。爲趙武靈王所滅。史記索隱。路

澍按樂芊爲魏拔中山。封之靈壽。史言趙武靈王以惠王三年滅中山。遷其君于膚施。索隱云。世本不言誰氏子孫。又云趙武靈王名雍。徐廣曰。西周桓公之子也。未知何據。國策言中山君常爲楚伐而亡。非也。中山亡于魏。魏使太子擊守之。不知何以復立。史記言中山君相魏。小司馬以爲卽中山之復立。

者皆於世本不合

武夏武羅國冀都之武邑。路史國名記

澍按與漢地理志信都有武邑縣。王莽曰順桓。而羅泌引一說云衛北境武父。陳留有武父城。以武父爲武邑。疑非是。

廩丘。齊大夫廩丘子邑。路史國名記

澍按左傳襄二十六年齊烏餘以廩丘奔晉。杜注今離狐縣故城是。

虞丘。齊大夫采邑。路史國名記

澍按左傳襄公十六年傳晉虞丘書爲乘馬御。代程鄭虞丘一作吾丘。又按史記孫叔敖楚之處士。虞丘相進于王以自代。說苑虞丘子爲令尹。在莊王時。是楚亦有虞丘氏也。

梁丘。虞丘皆齊邑。路史國名記

澍按杜預左注高平昌邑西南有梁丘鄉。羅泌路史云穀梁謂曹邾之間有梁丘。去齊八百里。又按齊景公時有梁丘據。字子猶。





# 世本卷第三

氏姓篇。

澍按史記注。鄭康成駁五經異義云。天子賜姓命氏。諸侯命族。族者。氏之別名也。姓者。所目統系百姓。一作使不相字。無此別也。氏者。所目別子孫之所自出。故世本之篇。言姓則在上。言氏則在下也。史通云。世本辯姓。著自周室。卽指氏姓篇言也。

炎帝姜姓。水經注。

澍按炎帝長於姜水。因姓姜。姜扶風之姜陽也。初國伊。繼國耆。故氏伊耆。世目爲堯姓。非也。而鄭氏駁異義云。炎帝姜姓。大昊所賜。黃帝姬姓。炎帝所賜。是又目姜爲賜姓。

許州向申姜姓也。炎帝後。水經注。

澍按向姜姓。又見左隱二年疏。州姜姓。見左桓五年疏。又按左正義云。齊許申呂由太姜。則四國同出。伯夷俱由太姜得封也。桓五年。州公如曹。傳作淳于。杜注。淳于。州國所都城陽淳于縣。此與伐楚師之州。蓋別一國。隱二年傳。向姜不安於莒而歸。是向姜姓也。

有熊氏之後。爲詹葛氏。氏族略。

澍按子孫封於詹者為詹氏。自詹移葛。則為葛氏。詹葛氏。湯時葛伯國。亦非嬴姓。

根水氏。老童娶根水氏。氏族略。

澍按老童即卷章。根水一作即水。

囂氏。玄囂之後。氏族略。

澍按玄囂即青陽也。

武姓。夏時有武羅國。因氏焉。廣韻。

澍按一本作其後氏焉。武羅伯因熊髡龐圉皆夏賢臣。羿弃之。信伯明氏之讒。子寒浞。事見左傳。又按

大醜氏之佐。有武羅。生而有魑。人面豹文。繼大醜氏為君。號鬼隗氏。

陳遂。舜後。史記索隱。漢袁良碑。宋衷曰。虞思之後。箕伯直柄。中衰。殷湯封遂於陳。目為舜後。

澍按袁良碑作封於陳。目後舜後。一引作祀。

玄氏。黃帝臣玄壽。氏族略。

乘氏。古賢人乘睢之後。氏族略。

齊姓姜。左傳襄公十一年疏。

澍按周語。帝嘉禹德。賜姓曰姒。氏曰有夏。胙四岳國。賜姓曰姜。氏曰有呂。伯夷。炎帝之後。姜自是木姓。

而云賜姓炎帝後別姓非一。自呂姜姓賜伯夷，更使爲一姓之祖，非履因舊姓也。

女氏。天皇封弟瑯於汝水之陽，後爲天子，因稱女皇。其後爲女氏。夏有女艾，商有女鳩，女方，晉有女寬，皆

其後也。陸賈新語。

澍按：女媧爲女皇，其氏當爲男女之女，而女艾、女寬、杜預音爲爾汝之汝，疑非。

融夷氏。祝融後董父之胤，曰融夷爲氏。急就章注。

澍按：融夷一作融夷，蓋融夷董姓也。蔡墨云：舜封象龍于驪川，融夷氏其後。

融姓。古天子祝融氏之後。廣韻。

偁陽。妘姓。祝融之孫。陸終弟四子求言之後。左傳襄公十七年疏。

澍按：廣韻引曰：偁陽，妘姓國，爲晉所滅。子孫因氏焉。妘，急就章注引作姚，非也。

參氏。董姓。陸終弟二子參胡之後。氏族略。宋注云：參胡國斯姓。路史。

澍按：辯證引云：參氏，陸終弟三子參胡之後。

參姓。祝融之後。廣韻。

郟。允姓國。秦入之。路史國名記。

澍按：郟子爵地在商密，秦楚界上小國。晉志云：南郡郟縣，郟子國是也。又按歷代紀事年表，嬴己偃允

四姓俱少昊後。莊二十八年傳。小戎子生夷吾。杜注。允姓之戎。嚴彭祖春秋會盟圖。都即若水。昌意國。今越巒之臺登。蓋不知媯都若之有分也。

夷。妘姓。左傳隱公元年疏。

澍按妘姓。陸終子求言之後。左傳紀人伐夷。即此夷也。

郟。妘姓。左傳昭公十八年疏。

澍按左傳。郟人藉稻。杜注。郟國在琅邪開陽。妘姓國。

寒。妘姓。路史國名記。宋注云。今壽光有寒亭。

澍按此注文。氏族略引作世本正文。誤。又按羅泌目寒為猗姓。本於潛夫論。

媯。姬姓之國。黃帝之子昌意降居若水為諸侯。此其後也。太平寰宇記。

澍按此媯在襄州樂縣。見杜預左傳注。世本目昌意降處之若水當之。非也。

芮伯。姬姓。書序疏。

息國。姬姓。左傳隱公十一年疏。

芮魏皆姬姓。左傳桓公三年疏。

澍按路史國名記引世本云。魏楚滅之。又按魏亦有嬴姓者。見盟會圖。指西土之魏駘也。

荀賈皆姬姓。左傳桓公九年疏。

澍按左傳荀侯賈伯伐曲沃即此荀賈也。

晉魯衛鄭曹滕姬姓。左傳襄公十一年疏。

畢毛皆姬姓。文王庶子。顧命正義。

澍按僖二十四年傳富辰曰管蔡邲霍魯衛毛聃郈雍曹滕畢原酆郇文之昭也。是畢毛皆姬姓。

密姬姓。漢書地理志。

澍按僖十七年傳齊密姬生懿公。是密姬姓也。年表目密為風姓。誤。又按春秋會盟圖云密周圻內國。

宣王滅之。宣宜作共。

沈姬姓。史記索隱。

澍按此沈在汝南。與沈妘蓐黃之沈在汾川者有別。彼為少昊後也。

蓐姬姓。路史注。

澍按皋陶之後有舒黃舒蓐偃姓也。與此蓐不同。又按左傳云楚為衆舒叛。故伐舒蓐。滅之。似舒蓐連。

二字為國名。杜預目為二國。非也。

鮮虞姬姓。白狄也。穀梁昭公十二年疏。

蓼六二國皆姬姓。路史注

澍按蓼六為皋陶後偃姓不得為姬姓。

唐姬姓之國。書正義集解

隨氏姬姓為楚滅。路史注

澍按左傳桓公六年疏引云隨國姬姓。又按桓六年傳楚侵隨八年伐之隨侯逸莊四年又伐之僖二十年目漢東諸侯叛羅泌云隨侯炎裔故李曰曰漢東之國神農之後季良為大賢而世本目為姬姓。

己姓出自少昊。左傳昭公十七年疏

澍按昊一引作皞。

昆吾古己姓之國夏時諸侯伯祝融之後。氏族略

澍按左傳疏引世本云昆吾己姓國出自少昊。

莒自紀公己下為己姓。氏族略左隱公二年疏

澍按左隱公二年疏引云莒己姓。又按疏云世本莒自紀公目下為己姓不知誰賜之姓。十一世茲不

公方見春秋共公目下微弱不復見四世楚滅之疑為宋氏注也。史記目莒為嬴姓漢地理志目莒為

盈姓三十世為楚所滅少昊後鄭語云曹姓鄒莒陸終第五子安之後皆非文七年傳穆伯娶於莒曰

戴己。生文伯。其姊己聲。生惠叔。則莒爲己姓。明矣。

蓼六。偃姓。太平御覽

澍按。蓼舒及舒蓼三國。舒黃帝後。任姓。蓼庭堅後。姬姓。而舒蓼偃姓也。杜預左傳注。皆目爲皋陶後。又目蓼卽舒蓼。失之。

偃姓。舒庸。舒蓼。舒鳩。舒龍。舒鮑。舒龔也。左傳襄公六年疏

澍按。此卽左傳所云羣舒。潛夫論。偃姓。又有止。酈謠。參會六阮。棐高。羅泌云。高卽皋也。偃或作優。誤。又按路史云。偃匱之後。有州。絞。貳。軫。皖。南。鄆。潁。容。春秋釋例云。舒有五名。舒庸。舒龍。舒鳩。舒城。其實一也。誠字譌。與世本舒有六不同。

江黃皆嬴姓國。史記索隱

澍按。左傳。莊公十九年。疏引云。黃嬴姓。又按史記云。秦之先。爲嬴姓。其後分封。呂國爲姓。有江氏。黃氏。淮夷。嬴姓。路史國名記

澍按。淮夷。非一。武王所伐。其一也。

徐奄皆嬴姓。左傳昭公元年疏

澍按。漢地理志。徐盈姓。春秋時。徐子章禹。爲吳所滅。

鍾離氏與秦同祖其後因封為姓。廣韻音集韻玉

澍按氏族略引世本云鍾離氏與秦同祖嬴姓史記作終黎索隱引世本作終犂寰宇記引云鍾離嬴姓徐之別號也又按鍾離楚邑淮南縣見春秋成十四年杜注

鍾離嬴姓也。水經注

澍按應劭曰鍾離縣故鍾離子國也楚滅之目為縣左傳所謂吳公子光伐楚拔鍾離者也

密須商時媾姓國也文王滅之其後呂國為氏。姓氏辯證

澍按氏族略引世本云密須氏商時媾姓之國國名記引云商有密須文王伐之

密須氏商時媾姓之國今涇州靈臺有密康公墓或云涇州保定有陰密城是也子孫呂國為氏或去密為須氏魏有須賈齊有須無或去須為密氏仲尼弟子密不齊。氏族略

澍按氏族略所引今涇州靈臺目下當係宋仲子注文又按孔子弟子密不齊伏羲後今作密誤須賈為魏中大夫司馬貞曰蓋密須氏之後漢有陸量侯須無

燕國姑姓。左傳隱公五年疏

澍按宣三年傳初鄭文公有賤妾曰燕姑杜注媾南燕姓譙允南曰媾為北燕失之北燕姬姓也

舒蓼氏舒蓼偃姓皋陶之後楚東之境小國也舒蓼與蓼國自異。氏族略



澗按末句似宋注文。又按杜左注。羣舒偃姓。春秋會盟圖云。舒蓼國在光州。

舒鮑氏。舒鮑偃姓國也。晉悼公大夫有舒鮑無終。氏族略。路史國名記。

莘。姒姓。夏禹之後。寰宇記。詩地理考。國名記。

澗按唐世表。啓封支子于莘。鄭康成曰。堯賜禹姓曰姒。王充論衡曰。爲吞薏苡而生。故姓姒也。

鄆。姒姓。子爵。氏族略。

澗按僖三十一年傳。衛成公夢康叔曰。相奪予享。公命祀相。杜注言杞鄆。夏後自當祀相。

杞。姒姓。漢書地理志。

彤。姒姓之國。書正義。

姒。弗氏。史記索隱。急就章注。

澗按史記云。禹後有費氏。司馬貞云。世本作弗。

姒。南氏。史記索隱。急就章注。

澗按司馬貞云。男氏。世本作南。潛夫論亦作南。路史云。世本作男。非也。

姒。比氏。路史注。

澗按羅泌云。比氏出世本。

姒姓。鄗氏。路史

斟灌。斟鄩。夏同姓諸侯。左傳襄公四年疏

澍按。急就章引云。斟鄩。姒姓。張敖地理記云。濟南平壽縣。其地即古斟鄩國。太平寰宇記。斟灌城。一名

東壽光。水經。淳于縣。本夏后氏斟灌國。武王封淳于公。路史國名記。戈。斟姓。是為斟戈。世本目為即斟

灌氏。

秦附庸。嬴姓。路史國名記

薛任姓。甘誓疏

澍按。薛。奚仲後。奚仲任姓。

任姓。謝章薛舒呂祝終泉畢過。左傳隱公十一年疏

澍按。急就章注引云。過氏任姓。夏諸侯。後為氏。又按羅泌云。過宜作遇。即禹為幙母所生。禹陽任姓所

出也。畢作卑。阮卑氏所出。

謝任姓。黃帝之後。姓氏急就章

子姓。殷時來宋。空同黎北髦自夷蕭。左傳隱公元年疏

澍按。時子姓。見急就章注。宋子姓。見漢地理志。亦見路史。而索隱引世本云。子姓有髦氏。時氏。蕭氏。黎

氏。路史國名記引云。空桐。子姓。商後國。服虔左注。黎。東夷國名也。子姓。

北旄氏。子姓。姓氏辯證。

澍按北旄。卽北髦。亦卽北殷氏也。爲秦寧公所伐。亳王湯之後。

空桐氏。子姓。蓋因空桐山也。氏族略。

澍按路史國名記引世本云。空桐氏。商後國。鄭樵云。空桐氏。非國號。又按史記云。趙襄子使原過主霍

泰山祠祀。其後娶空同氏。

鄧曼姓。莊十六年。楚文王滅之。左傳桓公七年疏。

澍按左傳。鄭祭足有寵於莊公。爲公娶鄧曼。杜注。曼。鄧姓。歷代紀事年表。曼姓出自商。

越爲芋姓。與楚同祖。史記索隱。漢書地理志。

澍按玉海。王會篇注引世本云。東越閩君。皆其後。當爲宋注。又按史記越世家。其先禹之苗裔。夏后少

康之庶子也。鄭語亦作芋姓。春秋會盟圖云。芋姓。古南越國。在廣州。

羅熊姓。左傳桓公十二年疏。

澍按在傳。羅人欲伐之。杜注。羅。熊姓國。蓋楚君皆以熊爲號。疑熊姓。楚所分也。顧亭林以羅爲芋姓。非

是。

豕韋防姓。史記索隱·路史國名記

澍按國名記引世本云豕韋陶唐氏後防一作彭豕韋本彭姓大彭之孫元哲封豕韋劉桑更封之故姓防或云劉姓非也國都記云豕韋氏彭姓之國

離段結姓。路史注

澍按羅泌謂段宜作斷卽卷楚也晉地有斷道卽卷楚世本作段寫誤又按賈逵左傳解詁雍氏黃帝之孫姑姓之後爲宋大夫是結卽姑也

屠三氏目夷氏不夷氏。路史注

澍按目夷一引作因夷非也出自子姓宋公子目夷字子魚爲左師聽宋國之政子孫別爲目夷氏又魚氏屠三不夷無考不夷或作不第亦作不茅

邾小邾曹姓。路史注

澍按襄十一年傳七姓十二國之祖杜注邾小邾曹姓是依世本爲說也又按小邾卽邾

霍國眞姓。路史國名記

澍按霍侯爵武王禽之今汝之梁縣有故霍國非晉霍也又按眞一本作姬杜氏方注亦云姬姓

胡歸姓。史記索隱·宋注胡在汝南平輿

澗按路史國名記引世本云。胡子國。歸姓。夔出。一引胡在汝南平輿。爲世本本文。非也。又按襄三十一年傳。立胡女敬歸之子子野。杜注。胡歸姓國。惟會盟圖云。胡姬姓國。在豫之郟城。疑非。

黎氏。黎侯國之後。急就章注。

夙沙氏。路史注。

澗按夙沙氏。卽帝魁所伐之質沙氏。一作宿沙氏。

公紀氏。廣韻。

太公氏。有太公叔穎。廣韻。

澗按辯證引太公作大公。又按公祖。一名組紺諸。字叔類。號曰太公。孫恂引作叔類。誤。

仇氏。衛後。路史注。

澗按卽裘氏。

物氏。國名記。

澗按羅泌云。漢平原有利縣。音勒。世本作物。劉辟疆爲侯國者。今漢史作辟光。漢地理志。平原利。應劭

曰。音力。

段氏。路史注。

澍按羅泌云段氏出世本。

瓦氏路史注

澍按羅泌云瓦氏出世本。邴也。衛地有瓦亭。在胙城。左傳定八年會於瓦。卽此。非成紀之瓦亭。

鐵氏路史注

澍按衛州有鐵丘。杜預云。在戚城南。羅泌云。鐵氏出世本。又按一引云。黎比髦。杝改瓦鐵七國。皆子姓。

比宜作北。改作段。

戈。樹灌氏也。國名記急就篇

澍按羅泌云。戈樹姓。是爲樹灌。世本左氏以爲卽樹灌氏。非。又按史記以樹灌尋爲禹後也。

疏氏有疏跖。氏族略

季瓜氏。周八士季駟之後。爲氏。駟或作瓜。晉有祈邑大夫季瓜。忽。姓氏證

澍按氏族略引季瓜忽作季駟息。

季隨氏。周八士季隨之後。宋有季隨逢。氏族略

澍按廣韻引世本云。季隨氏。周有八士季隨季駟之後。

左史氏。古者左史記事。楚有左史倚相。左史老。氏族略

右史氏古者右史記言周有右史武氏族略

澍按今刊通志作右史武舊本武作氏

西陵氏春秋有西陵羔國名記

澍按元和姓纂引世本云春秋時有大夫西陵羔

鼓方氏鼓方叔之後氏族略

澍按今刊本通志引作方叔氏鼓方叔之後

薛氏夏奚仲封薛周有薛侯其後爲氏姓氏急就章

司徒司寇司空竝以官爲氏廣韻

曾氏夏少康封其少子曲烈於鄫襄公六年莒滅之鄫太子巫仕魯去邑爲曾氏寰宇記略

澍按曾天爲季孫宿家臣曾阜爲叔孫豹家臣見左昭公二年傳

子楊氏季桓子生穆叔其後爲子楊氏氏族略

澍按桓子季孫斯也其子肥諡康子肥之曾孫彊爲季昭子

子士氏魯叔孫成子生齊季爲子士氏姓氏辯證

澍按左傳孟僖子妾曰子士之母則子士乃孟僖子之後

厚氏惠伯革者。孝公子。其後為厚氏。檀弓上疏。

澍按陸德明釋文引云魯孝公生惠伯革。其後為厚氏。又按革鄭氏檀弓注作鞏。云后木孝公子惠伯之後。孔疏按世本云革。此云鞏。世本云厚。其字異耳。

邵史昭伯名惡。孝公之後稱邵氏。史記索隱。

澍按高誘呂氏春秋註。邵氏魯孝公子惠伯華之後也。以字為氏。因曰邵氏。惠伯華檀弓上注作惠伯鞏。世本作革。字形相近。又按孝公八世孫成叔為邵大夫。因以為氏。是以邑為氏也。高氏謂以字為氏非矣。又按驕恣篇注。邵成子。邵敬子。國之子。邵青孫也。國為同字之誤。韋昭國語注。邵敬子。魯大夫。邵惠伯之後。玄孫敬伯同也。呂氏春秋有邵成子。與右宰穀同時。即厚成叔。古今人表有厚昭伯。師古曰。即邵昭伯也。

子成氏。魯季平子成叔彭侯之後。姓氏辯證。

述氏。魯大夫仲述之後。氏族略。

澍按仲一作叔。誤。述與遂同。即東門襄仲遂也。又按劉炫左傳述義云。仲遂受賜為仲氏。故其子孫稱

仲氏。

嬌甌氏。魯有嬌甌。字子肩。魯莊公族。史記索隱。



澍按司馬貞引世本作漢有螭臧。螭臧一作橋庇。班固云商瞿受易孔子以授魯橋庇子庸。是橋庇非漢時人矣。倘爲漢人商瞿何目相及。又爲魯莊公族乎。宜云魯有螭庇爲莊公族。又按史記作馭臂子弘。傳江東人。矯子庸庇。疑螭矯橋三字通。故螭慎亦作矯慎。矯望亦作螭望也。

公襄氏魯大夫公襄昭魯襄公太子子野之後。姓氏辯證

公之氏魯有大夫公之文。急就章注

澍按季悼子生思伯。鞅字公之。鞅生懿伯。柎爲公之氏。昭二十五年傳秦姬曰告公之。杜注公之平子弟。

慶父氏魯大夫慶父之後。魯有慶父籍爲楚工正。姓氏辯證

澍按姓纂氏族略引世本魯皆作楚。又按慶父卽共仲。其子公孫敖是爲穆伯。

季孫氏魯公子季友之後。爲季孫氏。後去孫稱季氏。季孫行父之子宿諡武子。季孫肥諡康子。姓氏辯證

子寤氏季平子生昭伯寤。其後爲子寤氏。姓氏辯證

澍按氏族略引世本云陳僖公生宣子。其後爲子寤氏。與此異。又按魯季寤字子言。季孫斯之弟。不得

志於季氏。欲因陽虎以去三桓。非子寤氏也。

少施氏魯惠公子施父之後。氏族略

澍按辯證引世本云。施父之後。支孫爲少施氏。雜記云。孔子曰。吾飯於少施氏。又按國語。施伯。施父子。事莊公。

子革氏。季平子支孫爲子革氏。氏族略

澍按鄭然丹。字子革。鄭穆公孫。公子然之子。後有子革氏。

齊季氏。昔齊公子季奔於楚。楚遂號爲齊季氏。廣韻魯有大夫齊季窺。氏族略

子韓氏。齊頃公子子韓之後。以王父字爲氏。春秋時有子韓皙。姓氏辯證

澍按氏族略引世本云。子乾氏。齊公子都字子乾之後。又按鄧元。元亞。鄭夾。溱均作子乾。孫恂引姓苑。亦

作子乾。均誤。子乾。蔡昭侯之子也。今改正。

子雅氏。齊惠公之孫公孫竈字子雅之後。辯證

澍按高誘呂覽注。子雅。惠公之孫。公子繼堅之子。竈也。依世本爲說。竈字樂。施字子旗。

子尾氏。齊惠公之孫公孫薑字子尾之後。亦爲高氏。辯證

澍按高誘呂覽注。子尾。惠公之孫。公子高祈之子。薑也。依世本爲說。薑字高彊。字子良。

子襄氏。齊桓公子子襄之後。辯證

子公氏。齊頃公之子公子子公之後。氏族略

澍按辯證引世本云子工氏齊頃公子子公之後也。又按春秋鄭公子宋亦字子公不獨齊有子公矣。子淵氏齊頃公之子公子湫字子淵之後。氏族略

澍按辯證引世本云齊頃公生子淵湫因氏焉。左傳齊有大夫子淵捷新序陳恒弑君使勇士六人劫子淵棲棲與捷字形相近宜從左作捷。淵引作泉。避唐諱改。又按左傳公孫捷又曰淵捷字子車頃公孫世本作子淵氏未知何據。左傳炊鼻之戰捷從洩聲子射之中楯瓦繇胸汰軫七入者三寸。淵氏齊大夫淵湫之後。廣韻

澍按齊有子淵氏王符曰姜姓字書引作淵敏誤。

閭丘氏齊大夫閭丘嬰之後齊宣王時有閭丘邛閭丘光。氏族略

澍按閭丘嬰齊莊公近臣子明事見左傳閭丘邛閭丘光均見說苑。

廩丘氏齊大夫廩丘子之後。氏族略

澍按襄二十六年傳齊烏餘以廩丘奔晉故城在濮之雷澤北。又按英賢傳有廩丘充齊隱者。

梁丘氏齊大夫梁丘氏之後。路史

澍按莊公三十二年齊宋遇於梁丘穀梁謂在曹邾之間去齊八百里杜預云昌邑西南有梁丘鄉。又按齊有大夫梁丘據字子猶。

虞丘氏齊大夫虞丘氏之後。路史

澍按虞丘一作吳丘。又作吾丘。路史云楚相虞丘子邑。吾丘壽王說苑作虞丘壽王。

雍門氏齊頃公生子夏勝以所居為雍門氏。氏族略

澍按雍門齊城門所謂焚雍門之萩也。戰國策雍門周以琴千孟嘗君說苑齊有雍門子狄。

尹文氏齊有尹文子著書五篇。氏族略

澍按高誘呂氏春秋注尹文齊人作名書一篇在公孫龍前公孫龍稱之。

賜氏齊大夫簡子賜之後。氏辯證

車門氏齊臨淄大夫車門邊。廣韻

車蘧氏齊臨淄大夫車蘧氏。廣韻

澍按廣韻三十六魂引云臨淄大夫車門邊。與此又違異。辯證蘧作邊。

車成氏齊大夫有車成氏。廣韻

澍按車成氏因庫成氏而改。庫成氏即苦成氏也。音變為庫成。王符云郤犢采於苦曰苦成。後人書之

或為枯。齊人聞其音則書之曰車成。敦煌見其字則呼之曰庫成。

公旗氏齊威王時有左執法公旗藩。氏辯證

澍按姓源韻譜云齊悼子子旗之後

公牽氏齊公子牽之後有公牽氏姓氏辯證

澍按急就章注引世本云齊公子成之後有公牽氏

狐丘氏晉大夫狐丘林之後氏族略

澍按英賢傳云出自狐丘封人之裔又按狐丘一作壺丘又作瓠丘

邠州氏晉邠豹生揚揚生邠州因氏焉元和姓纂

澍按僖十五年疏引世本云豹生義義生步揚也邠一作郤姓氏辯證氏族略竝引世本云晉郤豹孫

步揚生邠州因氏焉

季嬰氏晉樓季嬰之後氏族略

季夙氏晉靖侯孫季夙之後氏族略

叔向氏叔夙氏姬姓晉後路史注

叔夙氏芋舌職生叔夙爲叔夙氏元和姓纂姓氏辯證

大狐氏晉大夫大狐伯生突生饒爲大狐氏其後大狐容爲晉大夫姓氏辯證

澍按路史引世本云有大狐氏小狐氏溱爲大狐氏射姑爲小狐氏大狐容卽大戎氏廣韻引世本云

有晉大夫大狐容卽其後。晉獻公娶大狐氏。又桉狐突字伯行。生毛及偃。毛生漆。皆爲晉卿。別爲大狐氏。與此又不同。

小狐氏。射姑爲小狐氏。路史

澍桉狐偃字子犯。子曰射姑。射姑食采於賈。又曰賈季。襄公舍二軍。射姑將中軍。

太戊氏。晉公子太戊之後也。太戊教昭爲原大夫。姓氏辯證

澍桉史記成侯三年。目大戊午爲相。成侯薨。事肅侯。十六年游大陵。出於鹿門。太戊午叩馬諫曰。耕事方急。一日不作。百日不食。肅侯下車謝之。宜爲教昭之後也。

韓餘氏。韓宣子餘子之後。因氏焉。元和姓纂

澍桉辯證引世本云。韓宣子子餘之後氏焉。一引云。韓宣子之後。有餘子奔齊。爲韓餘氏。又桉春秋。晉成公宦卿之餘子。以爲餘子。蓋適子之母弟。宣子韓起也。

伯宗氏。晉孫伯起生伯宗。因氏焉。元和姓纂

澍桉鄧名世云。此謂伯氏所自起也。林寶以爲伯宗複姓。誤矣。

韓言氏。姬姓。晉韓厥生无忌。无忌生襄。襄生子魚。爲韓言氏。姓氏辯證

司功氏。晉大夫司功景子士匄弟佗。因官爲氏。姓氏辯證

澗按路史注引世本云。句弟他。晉司功爲氏。廣韻引云。句弟佗爲司功。以官爲氏。又按春秋有士句而無景子。亦無弟佗也。又按世本晉譜云。曲沃正少襄生司功大伯。大伯生侯季子。不知大伯卽景子否。

南鄉氏。晉國高士全隱於南鄉。因爲氏。廣韻

北唐氏。晉有高人隱於北唐。因爲氏。廣韻

澗按英賢傳云。晉有高人越者。隱伏於北唐。因氏焉。是北唐越也。

爲氏。晉始平人爲勉。自稱將軍。證。姓氏辯

澗按春秋時無始平地名。此係後人躡入。非世本原文。

菱氏。晉有大夫菱氏僖子。姓氏急就篇注。

澗按廣韻英字下引云。晉有英成僖子。菱字下又引云。晉有大夫英成僖子。此作菱氏僖子。三者必有

二誤。

中行氏。晉大夫逝邀生桓伯。林父及莊子首。本姓荀。自林父將中行。改爲中行氏。元和姓纂。

澗按林父將中行。一引作荀偃。又按荀息後爲荀林父。文公作三行。林父將中行。遂以中行爲氏。是爲

中行桓子。林父生中行伯庚。庚生獻子偃。偃生穆子吳。吳生文子寅。定公逐寅與士吉射。寅吉射奔齊。

然則一本作荀偃將中行者誤也。

唐孫氏齊大夫長孫修食邑於唐其孫仕晉後號唐孫氏廣韻

澍按辯證引世本云唐孫本祁姓帝堯之後其孫仕晉自為唐孫氏

下門氏晉有大夫下門聰姓氏辯證廣韻

澍按國語下門氏周景王大夫下門子之後

仲行氏晉大夫有仲行寅元和姓纂

澍按秦仲行子車氏之子也中行寅荀偃之孫也中與仲雖通用晉之中行氏於官對左右而為中秦

之仲行氏於字對伯季而為仲未可彊同也

公他氏晉有蒲邑大夫公他世卿其先以王父字為氏姓氏辯證

澍按其先當作其後廣韻急就章注引世本云公它氏晉蒲邑大夫公它世卿

勃氏宋右師勃之後廣韻

瞻葛氏宋景公有大夫瞻葛祁其後齊人語訛以瞻葛為諸葛姓氏辯證

澍按英賢傳曰瞻葛氏有熊氏之後又按今本氏族略引世本瞻葛氏有熊氏之後無宋景公以下九

字

西鄉氏宋大夫西鄉錯之後風俗通



澗按尸子有隱者西鄉曹。

東鄉氏。宋大夫東鄉爲人之後。氏族略。

澗按左傳成十五年傳云。向爲人爲大司寇。此東鄉爲人卽向爲人也。鄧名世辯證引無人字誤。

子蕩氏。宋桓公生子蕩。因氏焉。元和姓纂。

澗按春秋。宋蕩氏無子字。而宋大夫樂轡。楚大夫屈罷。皆字子蕩。未知子蕩果係誰後也。

季老氏。宋華氏有華季老。子孫氏焉。氏族略。

澗按辯證引世本作其子氏焉。

泥氏。宋大夫卑泥之後。氏族略。

澗按辯證引世本作泥車。廣韻引世本云。宋大夫車泥之後。

右師氏。宋莊公生公子申。世爲右師。因目爲氏。氏族略。

澗按一引生作至。又按文七年傳。公子成爲右師。十六年傳。華元爲右師。襄元年傳。使華閱討右官。杜

注。閱。元子。代元爲右師。昭十六年傳。華亥代合比爲右師。二十二年傳。樂大心爲右師。哀十七年傳。右

師皇瑗。十八年傳。皇緩爲右師。無所謂公子申也。疑公子成卽公子申。

甫爽氏。宋大夫甫爽之後。氏族略。

澍按辯證引世本云宋有大夫甫爽文叔。

幹獻氏宋司徒華定爲幹獻氏。氏族略

澍按辯證引世本定下有後字路史注引幹獻氏三字。

公朱氏楚大夫公朱高出宋公子朱宋義事懷王封武信君爲氏。路史注

澍按姓氏辯證引世本云公朱宋公子朱之後又按宋義事懷王云云是宋衷注文驪入又按楚有公

子朱爲息公穆王二年子朱圍江事見左傳公朱氏宜卽其後此云出宋公子朱未審淮南子云太宰

子朱侍飯於令尹子國子國啜羹而熱投卮漿而沃之明日子朱辭官而歸當卽公子朱也。

師延氏宋有樂人師延世掌樂職後有宋大夫師延宜。廣韻

子革氏宋司城子革之後又云季平子支孫亦爲子革氏。元和姓纂氏族略

澍按鄧名世云二說皆誤宋無子革唯樂喜字子罕爲宋司城宜出白姬姓鄭穆公子子然生丹字子

革奔楚爲右尹後人以爲子革氏又按宋樂喜字子罕爲司城其後以司城爲氏非子革氏也。

老成氏宋有大夫老成方。廣韻

澍按列仙傳老成子從尹文先生學幻者在齊定公時氏族略云老成子著書十篇言黃老之道甄鸞注徐岳數術記云四維者老成子所造也。

墨夷氏。宋襄公子。墨夷須爲大司馬。後有墨夷皋。氏族略。

澍按。文十八年傳。文公弑昭公而自立。昭公子將奉公母弟。須以作亂。公殺須。不知卽墨夷須否。

仲行氏。宋大夫。有仲行氏。晉大夫。仲行寅。姓氏辯證。

澍按。姓纂。氏族略引云。宋有仲行寅。晉有仲行氏。與此皆誤。蓋仲行卽中行。中行寅。中行吳之子。宋無其人也。宋有仲氏。公孫師之子。仲江。江之孫。幾。幾字佗。佗爲卿。事景公。

子郢氏。衛公族。昭子郢之後。元和姓纂。

澍按。子郢。衛靈子郢也。郢字子南。昭一作時。誤。

承姓。衛大夫成叔承之後。漢書注。

澍按。氏族略引世本云。承氏。衛大夫承成之後。辯證引云。衛大夫之後。有脫字。

司寇氏。衛靈公之子。公子郢之後。郢之子孫爲衛司寇。以官爲氏。司寇亥卽其裔也。氏族略。

澍按。禮記。司寇。惠子之喪。鄭注。惠子。將軍文子彌牟之弟。惠叔蘭也。生虎者。據禮記疏。則司寇氏宜爲

司寇惠子之後。

卷子氏。衛文公後。卷子。子州氏焉。姓氏辯證。

將軍氏。衛靈公子。昭生子郢。郢生文子才芳。爲將軍明。氏族略。

澍按辯證引世本云衛靈公子郢生文子彌牟為將軍氏禮記將軍文子是也夾漈作才芳誤且世譜子郢者靈公之子不聞有子昭也

羌憲氏衛公族羌之孫憲為羌憲氏姓氏辯證

羌師氏衛公族有羌師氏姓氏辯證

彊梁氏衛將軍文子生慎子會生彊梁因氏焉秦有左庶子長水校尉彊梁皋氏族略

賈孫氏衛有王孫賈出自周頃王之後王孫賈之子自以去王室久改為賈孫氏廣韻

常氏衛康叔孫封於常後有常氏恒氏路史

澍按老聃師常從楚有恒思公

史旃氏衛有史旃朱駒廣韻急就章姓氏

澍按氏族略引世本云史晁氏衛史晁之後與孫慚引異晁與旃字通

子孔氏鄭穆公生公子喜字子孔之後姓氏辯證

澍按春秋有二子孔司徒孔生公孫洩洩生孔張字子孔生子良又按喜宜作嘉魯孔父亦名嘉也鄭

殺公子嘉子良奔楚

子罕氏鄭穆公子喜字子罕生子展舍之舍之生子皮虎姓氏辯證

澍按或作子軒氏春秋罕氏無子字虎字子皮又爲子皮氏虎生嬰齊及魍嬰齊生達公孫鉏常爲馬師遂爲馬師氏

子游氏鄭穆公生子偃字子游之後姓氏辯證

澍按春秋鄭游氏無子字游生公孫薑薑生游販販生良及吉游販奪人妻其夫殺販於是廢游良而立吉吉生速吉之從祖曰游楚楚亦穆公孫與公孫黑爭妻公孫僑放楚於吳

馮歸姓鄭大夫馮簡子之後氏族略

去疾氏鄭穆公子去疾之後去疾字子良又有良氏所以別族氏族略

澍按杜預左傳注去疾穆公庶子此七穆之始又按公子去疾亦曰弃疾字子良後遂爲良氏靈公元年公子歸生弑靈公國人立去疾去疾辭曰以賢則去疾不足以順則公子堅長乃立襄公去疾子輒

字子耳爲司空

子國氏鄭穆公生子國發發生子產僑簡成子僑生子思參參生子王珍生子樂卑顯莊子爲子國氏氏族

略辯證·姓氏

澍按春秋武子珍子產家止謂之國氏又按發字子國僑字子產又字子美參字子思參諡曰桓簡成子疑子產諡也然不見左傳

子然氏。鄭穆公子子然之後。姓氏辯證。

澍按七穆然氏無子字。又按公子然。宋子所生。然氏之先也。晉人執成公。我立大子髡。頑。成公四年。晉伐我而歸公。以求成。公子然及晉盟于脩澤。子然子曰丹。然明蓋子然之後。

封父氏。鄭大夫封父彌真之後。路史注。

封人氏。鄭封人之後。因氏焉。路史。

澍按封人與封父。疑卽一姓。因字形近而訛。

子師氏。鄭有子師僕。廣韻。

澍按左襄公十年傳。初子駟爲田。洫。司氏。堵氏。侯氏。子師氏。皆喪田。於是子駟當國。尉止。司臣。侯。晉。堵女。父子師僕。帥賊以入。晨攻。執政於西宮之旂。

恆氏。唐叔孫封楚。有恆思公。後有恆氏。國名記。

澍按氏族略引世本云。恆氏。楚大夫恆思公之後。一引有有常氏三字。唐一作康。封楚作封恆。

楚季氏。楚若敖生楚季。因氏焉。陳大夫有楚季融。氏族略。

慶父氏。楚大夫慶父之後。氏族略。

釐子氏。出自釐子觀起之後。楚大夫有釐子班。氏族略。

季融氏。楚鬬廉生季融。子孫氏焉。氏族略。

澍按杜注左傳。以射師爲鬬廉。服虔則謂射師若敖子鬬班也。子慎說誤。

子午氏。楚公子午之後。齊大夫子午明。元和姓纂。

澍按公子午。字子庚。莊王之子也。初爲共王司馬。共公三十年。秦嬴歸於我。午聘於秦。爲夫人寧。康王

時代。公子貞爲令尹。與馮子馮。公子格。侵鄭。

子季氏。楚公族子季氏。姓氏辯證。

涉其氏。楚有大夫涉其氏。春秋涉其孥是也。姓氏辯證。

澍按廣韻引世本云。楚大夫涉其帑。又按左定五年傳云。吳入楚。楚昭王奔隨。將涉於成。藍尹亶涉其

孥。不與王舟。及寧。王欲殺之云云。是藍尹亶自以舟送其妻子濟水。非有人姓涉其名孥者也。世本殆

誤。或仲子等增益。非原文。

伍參氏。楚伍參之後。支孫以爲氏。國語。楚昭王時有伍參蹇。氏族略。

澍按辯證引世本云。伍參氏。伍參之後。楚昭王時有伍參蹇。又按杜注。伍參。伍奢之祖父。奢。伍舉子。伍

員之父。舉爲參之子。

鬬彊氏。芈姓。若敖生鬬彊。因氏焉。氏族略。

澍按鄧名世云。卽左傳所謂鬪女彊也。又按左傳有鬪禦疆。無鬪女彊。

鬪班氏。芑姓。鬪彊生班。因氏焉。氏族略。

澍按姓氏辯證引世本云。鬪彊生班。因氏焉。又按莊十三年傳。楚公子元歸自伐鄭。而處王宮。鬪射師諫。則執而梏之。秋。申公鬪班殺子元。杜注。射師。鬪廉也。服虔曰。射師。若敖子鬪班也。正義云。射師被梏。不言舍之。何以得殺子元。知射師與班。必非一人。杜譜以射師。若敖子。鬪班。若敖孫。

它氏。楚平王孫有田公它成。荀子注。

澍按急就章注引世本云。楚平王孫有田成它氏。與楊倞引異。疑有譌文。

子芒氏。陳僖公子子芒後。路史注。

澍按路史注又引世本云。陳僖子子芒之後。氏族略引陳作齊。云齊僖公生盈。字子芒。之後。芒或作竺。子尙氏。陳僖公生廩丘子尙意。茲因氏焉。國語。鄭大夫子尙伯父。氏族略。

澍按路史注引世本云。子尙氏。僖子生廩丘子尙爲氏。又按鄭樵旣引子尙氏。齊僖公生廩丘子尙意。

茲因氏焉。復引陳僖子生廩丘子尙。意茲疑訛。

子穆氏。陳僖子生子穆安。因爲子穆氏。姓氏辯證。路史注。

澍按路史注引世本云。陳僖子子穆安後。



少西氏。少西子穆。僖子子穆安後。路史注。

澍按氏族略引世本云。陳公子夏之後。別爲少西氏。又按徵舒祖子夏。名少西。是爲少西氏。

鬪門氏。陳有鬪門氏。廣韻

讐子氏。陳桓公生昭子來。將孫卑爲讐子氏。姓氏辯證。

澍按鄧元亞引作威公。避宋諱。今改正。

子石氏。陳桓子生子石。難自別。爲子石氏。路史注。

澍按路史注引世本云。子石氏。桓公生子石。後爲氏。氏族略引云。陳桓子生書字子占之後。

子沮氏。陳烈子生子沮。與後爲子沮氏。姓氏辯證。

澍按路史注引世本云。子沮氏。陳烈子之後。氏族略引云。陳桓公生子與。爲子沮氏。

子獻氏。陳桓公孫子獻之後。氏族略。

澍按桓公一作桓子。

子占氏。陳桓子生書字子占之後。氏族略。

澍按鄧名世曰。占出媯姓。陳公子完裔孫陳無宇之子書。字子占。後人以字爲氏。又按辯證引世本云。

陳威子占書。書生子良。堅子以王父字爲氏。

仲行氏。秦三良仲行之後。氏族略。

公金氏。秦公子金之後。有公金氏。急就章注。姓氏辯證。

蜀無姓。相承云黃帝後世子孫也。史記索隱。

澍按路史注引世本云。蜀世每世相承為黃帝後。又按褚先生史記云。蜀王黃帝後世也。司馬貞云。黃

帝二十五子分封賜姓。或於蠻夷。蓋當然也。蜀王本紀云。朱提有男子杜宇。從天而下。自稱望帝。亦蜀

王也。則杜姓出唐杜氏。蓋陸終氏之胤。亦黃帝之後也。又按昭十三年傳。楚共三與巴姬埋璧。則巴國

姬姓也。與世本所云黃帝後者合。陸德明曰。黃帝姬姓。

巴氏。巴子國。子孫以國為氏。氏族略。宋注。其地巴郡江州縣。

巴郡南郡蠻。本有五姓。巴氏。樊氏。鄧氏。鄭氏。皆出於武落鍾離山。其山有赤黑二穴。巴氏之子生於

赤穴。四姓之子皆生黑穴。未有君長。俱事鬼神。乃共擲劍於石穴。約能中者奉以為君。巴氏子務相乃獨

中之。眾皆歎。又令各乘土船。約能浮者當為君。餘姓悉沈。唯務相獨浮。因共立之。是為廩君。乃乘土船

從夷水至鹽陽。鹽水有神女。謂廩君曰。此地廣大。魚鹽所出。願留共居。廩君不許。鹽神莫輒來取宿。旦即

化為蟲。與諸蟲羣飛。蔽掩日光。天地晦冥。積十餘日。廩君伺其便。因射殺之。天乃開明。廩君於是乎君於

夷城。四姓皆臣之。後漢書注。

澗按此段見漢書南蠻傳李賢注云目上見世本是范氏據世本爲言也今補之姓氏辯證亦引作世本又按武落鍾離山一名難留山在長陽縣西北七十八里一云卽夷陵巴山也夷陵郡巴山縣清江水一名夷水

廩君名務相姓巴與樊氏暉氏相氏鄭氏凡五姓俱出皆爭神目土爲船雕文畫之而浮於水中約船浮者當立爲君他姓船不能浮獨廩君船浮因立目爲君長北堂書鈔太平御覽

澗按氏族略以廩君爲己姓蓋字之誤晉書載記暉氏作暉氏暉卽暉也故廣韻云暉姓出武落鍾離山黑穴中事見蜀錄後漢書作暉音審一作媼相氏一作栢氏誤又按路史注引世本云巴郡蠻有五姓皆出武落鍾離山巴氏生黑穴樊暉相鄭四姓之子俱事鬼神後巴氏臣四姓而居夸城爲廩君世尙秦女與此略殊

廩君之先故出巫誕也落中一作鍾山石穴中有二所其一赤色其一色黑如丹漆狀廩君出於赤色餘姓亦出黑穴廩君曰務相姓巴氏與樊氏暉氏相氏鄭氏五姓俱出未有君長皆爭神廩君五姓皆登呼躡穴屋以劍刺之劍不能著獨廩君劍著而縣於穴屋因立爲君太平寰宇記

澗按南蠻傳注引首句巫蠻作巫誕

廩君乘土船至鹽場鹽水神女子止廩君廩君不聽鹽神爲飛蟲諸神從而飛蔽日爲之晦廩君不知東

西所向。七日七夜。以青縷遺鹽神。曰嬰此。即相宜云。與爾俱生。弗宜將去。鹽神受縷而嬰之。應青縷所射。鹽神死。天則大開。後漢書注。太平御覽。

澍按一引云。鹽神受縷而縷之。廩君即立陽石上。應青縷而射之。中鹽神。鹽神死。天乃大開。

讒氏。

澍按宋龐元英文昌雜錄云。梁四公子。一人姓讒。名杰。讒音万。杰音傑。天齊人。昭明太子云。讒出世本。字亦作簡。出三齊記。杰出竹書紀年。今據補。

西乞氏。廣韻。

澍按左傳三十二年疏云。西乞。或字或氏。不可明。非也。如世本言是姓。又按淮南子人閒訓注作西乙。因形近而訛。如戰國楚策江乙。韓子內儲作江乞也。史秦紀以術為蹇叔子。唐世系表以西乞為孟明子。均謬。

公文氏。辯證。

澍按王符氏姓志云。衛公族有公文氏。又按左哀十四年傳。向魃出於衛地。公文氏攻之。二十五年傳。公使侍人納公文懿子之車於池。注。即公文要。莊子。公文軒見右師而驚。司馬彪注。公文軒。姓公文。名軒。宋人也。

# 世本卷第四

帝繫篇。

澍按孔穎達尙書正義云。按今世本帝繫及大戴禮五帝德。並家語宰我問。太史公五帝本紀。皆以黃帝爲五帝。此乃史籍明文。而孔君不從之者。原由世本經于暴秦。爲儒者所亂。大戴禮本紀。出於世本。以此而同。詩生民疏云。大戴禮帝繫篇云云。家語世本。其文亦然。毛亨作詩傳。司馬遷爲五帝本紀。皆依用焉。又云。大戴禮出於世本。是指帝繫篇言也。一切經音義云。世本有帝繫篇。謂子孫相繼續也。唐志云。宋均注帝譜世本七卷。所云帝譜。卽帝繫譜也。

三皇譜。

太昊伏羲氏。路史

澍按史記正義。太史公依世本大戴禮。以黃帝顓頊帝嚳唐堯虞舜爲五帝。譙周應劭宋均皆同。而孔安國尙書序。皇甫謐帝王世紀。孫氏注世本。並以伏羲神農黃帝爲三皇。少昊顓頊高辛唐虞爲五帝。伏羲氏人定時生。路史注引帝繫譜。

澍按孝經河圖云。伏羲在亥。得人定之應。張說大衍文符歷序云。謹以十六年八月端五。赤光照室之。

夜皇雄成紀之辰。是以爲八月五日矣。非也。又按太平御覽路史注。帝繫譜。卽世本帝繫篇也。故隨書藝文志有宋均帝譜。世本七卷。今故列入。

伏羲樂曰扶來。路史注引帝繫譜。

澍按扶來。一作扶犁。亦卽鳳來也。古來犁同音。

女媧氏命娥陵氏制都良管。以一天下之音。命聖氏爲斑管。合日月星辰。名曰充。樂旣成。天下無不得理。

太平御覽路史注引帝繫譜。

祝融氏。路史

澍按羅泌云。白虎羣儒通義。以祝融爲三皇。宋衷論三皇。亦數祝融。而出黃帝。宋均亦以祝融爲皇。今

據補。

尊盧氏。路史

澍按羅泌云。世本尊盧在伏羲後。又按帝王世紀。尊盧後爲混沌。昊英有巢。朱襄。應劭風俗通。因班固之序。謂爲太昊之世侯者非矣。

炎帝神農氏。左傳昭公十年疏。宋仲子曰。炎帝卽神農氏。炎帝身號神農代號也。

澍按孝經鉤命決注。神農名軌。春秋命厯序云。名石年。元命包云。母安登。少典妃。

神農樂曰扶持。路史引帝繫譜。

樹校通典云。神農樂名扶持。亦曰下謀。孝經鉤命決云。神農之樂曰下謀。太平御覽載樂書引禮記云。神農播種百穀。濟育羣生。造五絃之琴。演六十四卦。承基立化。設降神謀。故樂曰下謀。以名功也。或云神農命邢天作扶犁之樂。制豐年之詠。以薦釐。是曰下謀也。

黃帝娶於西陵氏之子。謂之纁祖。產青陽及昌意。昌意生顓頊。顓頊生鯀。左傳昭公十七年疏。山海經注。

樹校此與大戴帝繫世次相合。漢律厯志及帝系三統厯。皆以鯀爲高陽五世孫。此云顓頊生鯀。失其次矣。又校西陵氏姓方雷。故晉語云。青陽。方雷氏之甥也。纁通作雷。大戴禮史記作嫫祖。漢書人表作桑祖。竹書云。昌意降居若水。產帝乾荒。乾荒卽韓流也。生帝顓頊。海內經亦云韓流生顓頊。與世本戾。一引黃帝下有有熊氏三字。

黃帝生玄囂。玄囂生僑極。僑極生帝嚳。帝嚳生堯。尙書堯典疏。宋衷云。玄囂青陽。是爲少昊。繼黃帝立者。

樹校司馬貞云。宋衷云。玄囂青陽。是爲少昊。繼黃帝立者。今此紀下云玄囂不得在帝位。則太史公意玄囂非少昊明矣。而此又云玄囂是爲青陽。當是誤也。

黃帝爲其子昌意取蜀山氏。昌意之子乾荒。亦娶蜀山氏。路史

### 五帝譜

顓頊母獨山氏之子。青陽即少昊。黃帝之子。代黃帝而有天下。號曰金天氏。左昭十七年疏。宋仲子曰：青陽即是少皞。黃帝之子。代黃帝而有天下。號曰金天氏。少皞身號金天氏。代號也。史記注

澍按左昭元年疏引云：帝少皞金天氏。左疏又引世本云：顓頊黃帝之臣。有譌。顓頊紹少昊金天之政。乘辰而王。故亦曰金天氏。

少昊黃帝之子。名契。字青陽。黃帝歿。契立。王以金德。號曰金天氏。同度量。調律呂。封泰山。作九泉之樂。以

烏紀官。董道錢譜路史後紀。宋注云：少昊名摯。路史

澍按周書嘗麥篇云：乃命少昊清司馬。烏師以正五帝之官。故名曰質。張衡集引此書。以為清即青陽也。然考皇甫謐亦以青陽即少昊。史記謂青陽即玄囂。降居江水。不在帝位。與宋仲子注大舛。

昌意生高陽。是為帝顓頊。玉篇。宋衷云：顓頊名高陽。有天下之號也。索隱

澍按玉篇引世本。下又云：顓頊者專也。頊者正也。言能專正天之道也。此三句亦當是宋注。

顓頊母蜀山氏之子。名昌僕。海內經注

澍按蜀山氏。即蜀山氏也。昌僕。帝王世紀作景僕。名女樞。是為阿女。所謂淖子也。感瑤光於幽防而生

顓頊。見含神霧。

顓頊娶於勝瀆氏之子。謂女祿。是生老童。太平御覽。宋衷注：勝瀆。國名。



澗按山海經注左昭公十七年疏引世本云顓頊娶於滕嬪氏謂之女祿產老童又按大戴記作勝奔一作滕隍坤蒼云媿顓帝妻名也譙周云老童卽卷章

顓頊生偁偁生卷章卷章生黎左昭二十九年疏

澗按山海經云顓頊生伯服吳任臣引世本云顓頊生偁偁字伯服譙周云老童卽卷章然則老童非

顓頊生矣世本之言不應錯互當是注文闕入

老童娶於根水氏謂之驕福產重及黎左昭十七年疏山海經注

澗按史記楚世家注徐廣引世本云老童生重黎及吳回淮南子注顓頊之孫老童之子吳回一名黎爲高辛火正號祝融潛夫論姓氏志黎顓頊氏裔子吳回王符高誘並以黎卽吳回考重氏黎氏二官代司天地重爲木正黎爲火正據左傳少昊氏之子曰重顓頊之子曰黎今以重黎爲一人乃是顓頊之孫劉氏曰少昊氏之後曰重顓頊氏之後曰重黎對彼重則單稱黎若自言當家則稱重黎也史記楚世家帝嚳誅重黎而以其弟吳回爲重黎後復居火正爲祝融是以重黎爲一人吳回爲一人世本分重黎爲二人微不同耳孔安國曰重卽羲黎卽和是重黎原二人也此與左疏不同又山海經云顓頊生老童老童生祝融卽重黎也根水史作卽水又作竭水驕福大戴記山海經引世本作驕禍人表作驕極

老童生重黎及吳回。生陸終。徐廣史記注。太平御覽。

陸終娶於鬼方氏之妹。謂之女嬪。是生六子。孕三年而不育。剖其左脅。獲三人焉。剖其右脅。獲三人焉。其

一曰樊。是為昆吾。其二曰惠連。是為參胡。其三曰錢鏗。是為彭祖。其四曰求言。是為鄩人。其五曰晏安。是

為曹姓。其六曰季連。是為芋姓。季連產付祖氏。付祖氏產熊穴。九世至於渠婁。繇出自熊渠。有三人。其孟

之名為庸。為句祖王。其中之名為紅。為鄂王。其季之名為疵。為就章王。昆吾者衛是也。參胡者韓是也。彭

祖者彭城是也。鄩人者鄭是也。曹姓者邾是也。季連者楚是也。索隱宋注。女嬪。鬼方國君之妹。路史鬼方

於漢。則先零羌是也。文選趙充國贊注。昆吾。國名。已姓所出。參胡。國名。斯姓。無後。史記彭祖。姓錢。名鏗。在商為守

藏史。在周為枉下史。年八百歲。莊子釋文。求言。名也。妘。一作姬。姓所出。鄩國也。史記鄩人。即檜之祖也。詩正義晏

安。名也。曹姓者。諸曹所出也。季連。名也。芋姓。諸楚所出。楚之先。詩正義

澍按。水經注引世本云。鄩人者。鄭是也。鄭桓公問於史伯曰。王室多難。予安逃死乎。史伯曰。虢。鄩。公之

民。遷之可也。鄭氏東遷。虢。鄩。十邑焉。亦係宋注。又按水經注引剖作啓。下剖字作破。獲三人焉。作三

人出焉。求言作萊言。是為鄩人。作是謂之鄩。嬪作隕。錢下無鏗字。他本引鄩上有云字。庸作康。庸上有

無字。祖作賣。就作戚。是作氏。世本此段文。與大戴禮同。今據補。御覽引不全。帝嚳高辛氏。史記宋衷曰。高辛。地名。因以為號。嚳其名也。

澍按帝王世紀高譽名。俊。一作生而自言其名也。十道志襄邑有高辛城。張晏曰高陽高辛皆所興之地名。顓頊與譽皆以字爲號。上古質故也。高辛爲地名。如仲子說。然仲子以譽爲名。則失之。

帝譽年十五歲。佐顓頊有功。封爲諸侯。邑於高辛。路史引帝繫譜。

澍按帝王世紀高辛姬姓也。其母生見其神異。自言其名爲俊。齟齬有德。年十五而佐顓頊。三十登位。都亳。以人事紀官。是士安依世本爲說。

譽黃帝之曾孫。路史平御覽。太

澍按漢志帝譽青陽玄囂之子。史記則云高辛父曰蟠極。

帝譽卜其四妃之子。皆有天下。元妃有郤氏之女曰姜嫄。是生后稷。次妃有娥氏之女曰簡狄。而生契。次

妃陳鋒氏之女曰慶都。生帝堯。次妃娶訾氏之女曰常儀。生摯。生民詩正義。太平御覽。藝文類聚。

澍按生民疏云。大戴禮帝繫篇曰。帝譽卜其四妃之子。皆有天下云云。家語世本其文亦然。毛亨作詩

傳。司馬遷爲五帝本紀。皆依用焉。路史引元作上。太平御覽引簡狄下。而字作是產二字。藝文類聚引

鋒作豐。摯上有帝字。郭璞注山海經。姜嫄。帝譽二妃。誤矣。

帝譽四妃陳豐生帝堯。封於唐。高辛氏衰。天下歸之。木生火。故爲火德。天下號爲陶唐氏。卽位七十載。

澍按前漢律厯志引唐帝系。係世本文。今據補。

帝嚳生堯書舜典疏

澍按孔疏云世本堯是黃帝玄孫舜是黃帝八代之孫

帝堯為陶唐氏書五子之歌疏

堯取散宜氏子謂之女皇太平御覽宋衷曰女皇是生丹朱

澍按散宜氏路史作富宜氏

女皇生丹朱路史

澍按太平御覽引尚書逸篇云丹朱不肖舜使居房丹淵為諸侯號曰丹朱羅泌云堯使居之丹也說

文引虞書作丹絳

顓頊產窮係窮係產敬康敬康產句芒句芒產螭牛螭牛產瞽叟瞽叟產重華是為帝舜及產象傲太平御覽

三代世表宋衷注云一云窮係諡也

澍按史記索隱云窮蟬世本作窮係今太平御覽引作係蟬者誤又按窮係舜之高祖舜為黃帝八世

孫也大戴禮文與此同而世表云句望生螭牛螭牛生瞽叟索隱云世表依世本不知何以差互如是

又按舜母握登象為東澤氏女曰壬女所生與顓頊手同產

顓頊生窮蟬六世生舜處虞之瀉汭堯嬪以天下火生土故為土德天下號曰有虞氏即位五十載

澍按律厯志引帝系與大戴記帝繫篇不同。是世本文也。今據補。

舜妃娥盲女瑩。索隱

澍按孔疏云。按世本堯是黃帝元孫。舜是黃帝八代孫。計堯女於舜之曾祖爲四世從姊妹。以之爲妻。於義不可。世本之言。未可據信。或者古道質故也。路史餘論呂梁碑中敘紀虞帝之世云。舜祖幕。幕生窮蟬。窮蟬生敬康。敬康生喬牛。喬牛生瞽瞍。瞽瞍生舜云云。質之于傳。惟無句望。不著出自黃帝。諒得其正。又按盲與皇聲相近。汲冢古文葬后育於渭。又係盲字之訛。地理志。陳倉有舜妻育冢祠。后盲卽娥皇也。瑩卽女英。人表亦作瑩。一引作瑩。非。大戴禮帝繫篇。舜娶於帝堯之子。謂之女匭氏。一作少匭。尸子云。妻之以媼。媼之以娥。此二妃皆堯女。尸佼以媼娥分爲二。不數女英。誤矣。鄭注禮記云。舜有三妃。其一卽登比也。或謂娥卽女英。則世本有娥盲。又有女瑩。不其複乎。司馬貞曰。列女傳云。二女長曰娥皇。次曰女英。是矣。

舜時西王母獻白環及佩。文選景福殿賦注  
北堂書鈔

澍按御覽引世本云。獻白環玉玦。藝文類聚引佩亦作玦。又按伏勝尙書大傳云。舜以天德嗣堯。西王母來獻玉瑄瑞應圖。黃帝時。西王母使乘白鹿獻白環之休符。舜時復來獻。

祝融曾孫生伯夷。封於呂。爲舜四岳。太平御覽  
藝文類聚

澍按毛奇齡云。如世本言書之言舜咨四岳。僉曰伯夷。爲難通矣。蓋四岳姜姓。伯夷亦姜姓。故國語云。姜伯夷之後也。則伯夷與四岳祇同姓耳。然海內經云。伯夷父生西岳。周語胙四岳國。命爲侯伯。賜姓曰姜。氏曰有呂。山經言伯夷父生四岳。蓋其父本爲四岳。至其子纂修舊勳。故復爲西岳也。毛氏說無據。

夏譜。

顓頊六世而生禹。虞帝嬪以天下。土生金。故爲金德。天下號曰夏后氏。繼世十七王。四百三十二歲。漢書律厯

志

顓頊生繇。繇生高密。是爲禹。玉篇

澍按皇甫謐云。繇。帝顓頊之子。字熙。連山易云。繇封於崇。故國語謂之崇伯繇。漢書律厯志則云。顓頊五代而生繇。夫繇旣仕堯。與舜世系殊。繇卽顓頊六代孫。則繇非顓頊之子。確然無疑。世本之言。蓋誤。海內經言黃帝子駱明生繇。路史言高陽子駱明生繇。不可依憑。郭注海內經。引開筮曰。繇死三歲不腐。剖之以吳刀。化爲黃龍。初學記引歸藏云。大副之吳刀。是用出啓。啓字誤。當作禹。

繇娶有莘氏女。謂之女志。是生高密。尙書正義。宋衷云。高密。禹所封國。史記正義。

澍按太平御覽引世本云。繇娶有莘氏女。志是生高密。禹也。又按帝王世紀云。禹名文命。字密。身九尺二

寸長本西夷人也。女志吳越春秋作女嬉。開山圖作女狄。一作女狄。

禹母修己吞神珠如薏苡。胷拆生禹。路史

澍按女志卽修己也。鉤命決潛夫論作修紀。山海大荒南經有緜妻土敬。當別一人。春秋繁露云禹生發於背。契生發於胷。論衡亦以禹爲闔母背而出。世本乃以爲拆胷。當是誤文。

禹納塗山氏女曰嬌。是爲攸女。路史注

澍按索隱引世本云禹娶塗山氏女名女媧。生啓。又按連山易云禹娶塗山氏之子名曰攸女。生余。大戴禮作女嬌。吳越春秋作女嬌。人表作女媯。又按天問注云禹以辛酉日娶於台桑之地。吳越春秋云十月而生啓。淮南子言塗山氏化爲石。石破北方而生啓。殆不足憑。

啓。禹子。尚書益稷謨疏

澍按紀年啓名會。連山易名余。年代厯名建。

少康崩子帝杼立。史記索隱

澍按史記作帝子少康子也。又按夏本紀杼作子。史索隱作宁。索隱引世本又作佇。墨子作仔。初學記引世本作輿。竹書作伯子杼。路史後紀作伯杼。世紀作后子。路史云名松蔓。長頸鳥喙。竹書云卽位居原。自原徙老丘。左傳云杼滅豷於戈過。國語云杼能率禹者也。

帝杼崩子帝芬立。史記索隱

澍按帝芬史記作帝槐羅泌引世本云帝魁名芬帝槐即帝芬世本作帝魁也索隱云世本作帝芬則

羅氏所云世本作帝魁者係誤引竹書注云芬發通鑑外紀云祖武亦曰魁

帝泄崩子帝降立。史記索隱

澍按泄帝芒之子路史云是為世宗帝王世紀作世帝降史記作帝不降

帝不降一曰北城。路史

澍按年代厯作江武外紀作江成路史作北成非也又按索隱云世本作帝降不降之子孔甲好方鬼神事淫亂夏后氏德衰竹書云在位十九年遜位於弟扃至扃十年陟沈約注三代之世內禪惟不降

實有聖德

帝皋生發及履癸履癸一名桀。史記索隱宋衷云帝皋墓在嶠南陵

澍按帝皋孔甲子也史記帝王世紀皆以為發生桀也

商譜

契生昭明昭明生相士相士生昌若昌若生糧圉糧圉生根國根國生冥。禮記祭法疏宋衷曰相士就契封於商春秋左氏傳云闕伯居商丘相士因之冥為司空勤其官事死於水中殷人郊之。索隱



澍按司馬貞云。相土佐夏。功著於商。詩頌曰。相土烈烈。海外有是。馘也。糧圍。史記作曹圍。曹圍卒。子冥立。無根國一代。班固人表云。根圍。昌若子。合兩代爲一。韋昭注魯語。本沿其誤。曹祭法疏引作遭。史記索隱引作糧圍。疑有誤。

冥生核。史記索隱

澍按冥。根國子。人表作根圍子。誤。宋庠國語補音。冥又作溟。竹書紀年云。商侯冥。禮曰。冥勤其官而水死。般人祖契而郊冥也。史記。冥子振。振子微。又按一引云。冥卒。子振立。核。人表作垓。師古云。音該。當卽山海大荒經之王亥。竹書紀年之般侯子亥也。子蓋其姓。核子微。亦曰上甲。以甲日生。商家生子。以日爲名。自微始。見般本紀索隱。

湯名天乙。書釋文

澍按索隱云。湯名履。書曰。予小子履是也。又稱天乙者。譙周云。夏殷之禮。生稱王。死稱廟主。皆以帝名配之。天亦帝也。般人尊湯。故曰天乙。孔疏云。湯名天乙者。依殷法。以乙日生。名天乙。至將爲王。又改名爲履。故二名也。安國不信。世本無天乙名。

太甲。太丁子。伊訓疏

澍按般本紀世表。太甲。湯適長孫也。稱太宗。竹書紀年云。名至。又按書無逸。祖甲卽帝甲。史記竹書可

據而傳疏引世紀外紀以祖甲爲太甲非也宜從馬鄭說王肅說誤。

外丙三年崩仲壬四年崩

尙書疏

澍按殷本紀正義曰太史公采世本有外丙仲壬當是信則傳信疑則傳疑外丙人表云太丁弟竹書云名勝仲壬人表云外丙弟竹書云名庸

太甲崩子沃丁立

書序疏

小甲太庚子

路史

澍按索隱云殷本紀及世本皆云小甲大庚子三代世表云太庚弟庚或作康太庚沃丁弟也見殷本紀亦曰小庚名辨見竹書紀年

仲丁大戊之子河亶甲仲丁弟也祖乙河亶甲子

書咸有一德疏

澍按竹書紀年仲丁名莊書序云仲丁遷於囂殷本紀言仲丁是太戊之子人表以爲弟誤也又按竹書紀年祖乙名滕自相遷耿復自耿遷庇人表亦誤以爲河亶甲弟又按殷本紀太戊雍已弟詩烈祖箋湯之玄孫也釋文引馬融云太甲子誤竹書紀年云名密商頌序云號中宗竹書作太宗非

盤庚崩弟小辛立崩弟小乙立崩子武丁立

書序疏 謫命上疏

澍按殷本紀盤庚陽甲弟竹書紀年云名旬自奄遷殷亳呂氏春秋云殷之中興主也周語注以爲祖

乙子誤。武丁商頌所謂殷武也。竹書紀年云名昭。喪服四制云殷之賢王。呂氏春秋云德義高美。般人尊之。故曰高宗。

帝甲生祖辛。史記索隱

澍案祖乙生祖辛。此云帝甲生祖辛。非也。世表作廩辛。人表世紀並作馮辛。竹書紀年云馮辛名先。

祖辛崩。弟開甲立。史記索隱

澍按祖辛。祖乙子。竹書紀年云名旦。開甲世表作沃甲。祖辛弟也。書疏以開甲爲祖辛子。疑非是。竹書紀年云開甲名踰。

周譜

后稷生不窋爲昭。不窋生鞠陶爲穆。鞠陶生公劉爲昭。公劉生慶節爲穆。慶節生皇僕爲昭。皇僕生差弗爲穆。差弗生毀榆爲昭。毀榆生公非爲穆。公非生高圉爲昭。高圉生亞圉爲穆。亞圉生祖紺爲昭。祖紺生太王。太王爲穆。太王爲穆。太王爲穆。書酒誥疏

澍按鬻子湯治天下。得慶誦伊尹。慶節正當湯時。疑卽一人。世表差弗作弗差。毛本周紀作羌弗。訛也。人表作差弗。師古云。差音楚宜反。毀榆。榆釋文音投。人表作僞險險。世表作渝。史集解索隱引世本作榆。國語補音作愉。高圉。辟方子。此云公非生高圉。上脫辟方一代。竹書紀年作邠侯高圉。世族譜作高

圍僕誤。

公劉慶節皇僕差弗僞榆公非辟方高圉侯牟亞圉雲都太公祖紺諸盤亶父。史記索隱宋忠云高圉能帥稷者也周人報之。

樹按不啻生鞠陶鞠陶生公劉公劉生慶節慶節生皇僕皇僕生差弗差弗生僞榆僞榆生公非公非生辟方辟方生高圉高圉生侯牟侯牟生亞圉亞圉卒弟雲都立生叔組紺是爲祖類祖類生諸盤是爲太公生亶父是爲古公泰王又按中庸疏引世本云亞圉雲都生太公組紺諸盤班固人表云辟方公非子高圉辟方子侯牟亞圉皆高圉子雲都乃亞圉之弟皇甫謐云公非字辟方雲都亞圉字公祖一名組紺諸盤字叔類號曰太公也廣韻引世本云太公叔穎當係字誤羅泌云祖類卽公叔組紺世表之叔類人表曰公祖是爲祖盤合曰公叔祖類祖紺也詩小戎圖以公叔祖類諸盤爲三人謬矣侯牟漢書作夷埃周紀索隱引世本作侯倅路史引世本云侯牟生亞圉誤。

成王生康王釗康王生昭王瑕昭王生穆王滿穆王生恭王伊扈恭王生懿王堅及孝王懿王崩弟孝王方立孝王崩懿王太子燮立是爲夷王夷王生厲王胡。詩民勞疏宋衷云昭王南伐楚辛由靡爲右涉漢中流而隕由靡承王遂卒不復周乃侯其後於西翟也。索隱

樹按郊特性疏引世本云懿王崩弟孝王立孝王崩懿王太子燮立是爲夷王是夷王爲懿王之子也。

與詩疏引世本不同。史記成王名誦。竹書作庸。懿王名堅。本紀作囂。人表以爲穆王子。誤。孝王方。人表作辟方。師古云。辟音壁。人表以爲恭王弟。亦非。索隱引世本云。穆王崩。子共王伊扈立。恭王伊扈。史記作共王絜扈。穆天子傳。古今人表。亦作伊扈。文選注引古文周書云。周穆王姜后晝寢而孕。越姬嬖。竊而育之。弊以玄鳥二七。塗以彘血。實諸姜后。遽以告王。王恐。發而占之。曰。蜉蝣之羽。飛集於戶。鴻之戾止。弟弗克理。重靈降誅。尙復其所。問左史氏。史灼曰。蟲飛集戶。是曰失所。惟彼小人。弗克以育君子。史良曰。是謂關親。將留其身。歸於母氏。而後獲寧。冊而藏之。厥體將振。工與令尹冊而藏之于廟。居二月。越姬死。七日而復言其情曰。先生怒寧甚。曰。爾夷隸也。胡竊君之子。不歸母氏。將寘而大戮。及王子於治。則是絜扈。亦如鄭莊公寤生。姜后不覺而爲越姬所竊也。又按禮疏引世本云。史本紀竹書世族譜。皆言夷王名燹。古今人表作夷王摺。當是字誤。又按寰宇記。夷王墓在彭州九隴縣。寰宇志又云。在蒙陽縣西北二十里。不審何緣葬蜀也。

平王生桓王林。桓王林生莊王佗。莊王生僖王胡。僖王生惠王涼。惠王生襄王鄭。襄王生頃王巨。頃王生

匡王班。及定王瑜。定王生簡王夷。簡王生靈王泄心。靈王生景王貴。景王生悼王猛。及敬王匄。

昭公二十六年疏。

澍。按一引僖王胡下有齊字。索隱引世本作惠王名母涼。史記作名閔瑜。周語注作掄。宋庠補音云。本作渝。或作渝。匄。韋昭國語注作丐。賈逵韋昭國語注杜預左注世族譜皆言敬王是悼王母弟。與世本

合班固人表謂爲悼王兄非也。

敬王崩。貞王介立。貞王崩。元王赤立。左哀十九年疏。

澍按貞史記作定國語亦作定。韋昭注。定當爲貞。貞王名介。敬王子也。帝王世紀作貞定王。然世本及韋注皆以定王爲敬王子。元王爲定王子也。而宋衷注引太史公書云。元王仁生貞王介。與世本文不相應。不知誰是。則宋衷不能定也。史記元王爲定王父。定王卽貞王也。依世本。則元王是貞王子。必有一舛。宋仲子注。見哀二十年疏。徐廣以史記之元王仁爲貞王介。以定王介爲元王赤。

威烈王。史記注。宋衷云。威烈王葬洛陽城中東北隅也。

澍按史記注引宋注。今據注補正文。

周君王赧。史記注。宋忠曰。卒諡爲西周武公。

澍按索隱云。宋說非也。徐廣以西周武公是惠王之長子。此周君卽西周武公也。蓋武公與王赧並卒。故連言之。宋說非也。又按楚世家。楚欲圖周。周王赧使武公。則武公爲臣明矣。豈可合爲一人乎。皇甫謐云。赧王名誕。赧非諡。諡法無赧。正以微弱。竊鈇逃債。赧然慙愧。故號曰赧耳。又按人表名延。竹書紀年諡隱。沈約謂赧隱聲相近。師古以赧爲諡。又以爲名。非也。史記索隱云。尙書中侯以赧王爲然王。鄭玄讀然爲延。王深寧云。周赧王卒於乙巳。明年丙午。秦遷西周公。而東周君猶存也。王子秦遷東周君。

而周遂不祀

世本卷四

九五





# 世本卷第五

王侯大夫譜。

澍按隨書經籍志云。世本王侯大夫譜二卷。書釋文引王侯世本。

魯譜。

魯公伯禽卒。子考公就立。考公卒。弟煬公熙立。煬公卒。子幽公圉立。十四年。弟弗殺幽公而自立。是爲微公。微公卒。子厲公翟立。厲公卒。弟獻公具立。獻公卒。子慎公摯立。慎公卒。弟武公敖立。史記索隱。

澍按考公就。史記作考公會。鄒誕作適。幽公圉。史記作幽公宰。微公。史記作魏公微公。左傳釋文引世本。又作微公。與索隱引不同。當係字誤。微公弗。索隱又引作弗甚。史記作魏公潰。翟。史記作擢。慎公摯。史記作慎公溥。世表作真公溥。鄒誕本作曠。左傳釋文引世本。慎公作順公。又按魯世家。自伯禽至武公。凡九君。祇五世。其名謚見世本者。凡七君。而禮明堂位疏引世本云。伯禽生煬公熙。熙生微公弗。弗生獻公具。具生武父敖。不數考公幽。公厲。公真。公者。孔穎達蓋以證明鄭注武公爲伯禽元孫耳。非脫誤也。今依史記索隱補次之。

孝公生惠公弗皇。弗皇生隱公息姑。史記索隱。

澍按史記世家作弗涅年表作弗生息姑史記無姑字又按孝公名稱懿公戲之子隱公爲惠公長庶子也。

桓公名軌史記索隱

澍按軌史記作名允。

閔公啓方左閔元年疏

澍按閔侯表作潛律麻志作啓索隱引世本無方字啓史記作開避諱脫方字。

昭公名稠史記索隱

澍按稠史記作稠徐廣云一作招音紹也。

哀公蔣生悼公寧寧生元公嘉嘉生穆公不衍檀弓上疏

澍按蔣史記作將世表云悼公寧時三桓勝魯如小侯史記穆公名顯索隱引世本云魯元公子不衍

爲穆公。

景公生平公子旅史記索隱

澍按一引云景公子旅爲平公旅史記世家作叔。

平公生湑公子賈史記索隱

澍按御覽引云平公子賈爲潘公潘史記作文

魯孝公生僖伯彊彊生哀伯達達生伯氏瓶瓶生文仲辰禮器疏莊二

澍按僖伯即公子彊字子臧其孫始以臧爲氏左傳於僖伯上已加臧字蓋追言之又按陸淳纂例以

臧孫辰爲哀伯子蓋未考此書

辰生宣叔叔生賈賈生會禮記正義

澍按宣叔臧孫許也爲司寇子紇宣叔取於鑄生臧賈臧爲鑄女死繼室以其姪穆姜之姨子生紇紇

出奔邾使告臧賈且致大蔡臧會昭伯從弟竊其寶龜句屨以下會子曰賓如哀公八年如齊蒞盟

臧會臧頃伯也宣叔許之孫與昭伯賜爲從父昆弟也史記索隱

澍按昭二十五年傳會臧昭伯之從弟也賈達左傳解詁云昭伯名賜李錯尙史不知昭伯之名由未

見賈景伯注

桓公生僖叔牙牙生戴伯茲茲生莊叔得臣得臣生穆叔豹豹生昭子媯媯生成子不敢不敢生武叔州

仇禮弓上疏

澍按叔牙慶父同母弟茲即公孫茲爲叔孫氏得臣獲長狄僑如以名其子豹僑如弟媯豹庶子又按

州仇之子舒爲叔孫文子

桓公生僖叔牙。叔牙生武仲休。休生惠伯。彭生皮。為叔仲氏。檀弓下

澍按惠伯父公孫茲。祖叔牙。與惠叔從祖昆弟。蘇東坡以惠叔為惠伯。誤。惠叔名難。公孫敖之次子。內

史服所謂難也。收子者。彭生。左傳亦作彭生。是為叔仲惠伯。一引脫生字。據世本言。彭生子皮。乃為叔

仲氏也。又按彭生之孫叔孫帶。為叔仲昭伯。帶子小。是為叔仲穆子。

季友生仲無佚。無佚生行父。穀梁文六年疏

澍按季友字季子。桓公少子。莊公母弟成季也。是為季孫氏。范甯穀梁注云。行父。季友生。與世本異。

公子友生齊仲。齊仲生無逸。無逸生行父。行父生夙。檀弓上

澍按此引分齊仲無佚為二人。穀梁疏引云。季友生仲無佚。無佚生行父。與此異。夙即季孫宿。諡武子。

一引云。行父生武子夙。又按左杜注云。行父。季孫友子。當云季友孫。

悼子紇生穆伯靖。檀弓下

澍按季孫宿之子。二公彌紇。紇立。嗣季孫氏。卒。子意如。嗣公彌別。為公鉏氏。魯語。公父穆伯之子。為文

伯名。歎也。

悼子霍生。平子意如。意如生桓子斯。斯生康子肥。檀弓下

澍按左疏引云。悼子紇生穆伯靖。及平子意如。意如生桓子斯。斯生康子肥。霍與紇。古字通。

桓公生慶父。慶父生穆伯。敖。敖生文伯。穀。穀生獻子。蔑。檀弓下

澍按慶父卽共伯。莊公庶兄。穆伯魯語作孟文子。穀諡曰文。弟難諡曰惠。

獻子蔑生孝伯。孝伯生惠伯。惠伯生昭伯。昭伯生景伯。檀弓上

澍按魯語仲孫它。韋注。獻子之子。服它也。又按莊子之叔子仲孫羯爲孟僖子。亦曰孝伯。非子服氏。

惠伯卽子服湫。字孟椒。昭伯名回。景伯名何。困學紀聞云。東坡解孟莊子之孝爲獻子。葉石林謂以獻

子爲穆伯之子。以惠叔爲惠伯。讀左氏不精。二者皆誤。獻子乃公孫敖之孫。

叔肸生聲伯。嬰齊。嬰齊生叔老。叔老生叔弓。檀弓下

澍按叔肸。文公子宣公母弟。嬰齊爲公孫。嬰齊叔老卽子叔。齊子爲叔肸孫。以叔爲氏。叔弓卽敬子。

叔弓生定伯。閱。閱生西巷敬叔。叔生成子還。左定公十一年疏

澍按敬叔是南宮。此云西巷。未知何據。又按左傳叔弓子二。輒鞅。輒字伯張。哭日食而死。鞅嗣。叔弓曾

孫還。還子青。據世本。還爲叔弓曾孫。杜注左。以還爲叔詣曾孫。誤矣。

仲孫獲生南宮縉。檀弓上

澍按孟僖子名纘。孝伯之子。左傳無仲孫獲。疑獲爲纘字之譌文。

敬叔。桓公七世孫。檀弓下

敬叔與懿子皆孟僖子之子。史記索隱

澍桮仲孫纘是為孟僖子子仲孫何忌。諡懿子敬叔即仲孫說亦曰南宮敬叔左傳亦然而史記不以

敬叔為僖子之子蓋誤。

惠伯是桓公六世孫。檀弓下疏

澍桮魯有兩惠伯一是叔仲惠伯與惠叔為從祖昆弟一是子服惠伯名椒孟獻子之孫於惠叔為從

曾孫又桮世系以虺為惠伯子世譜則以為兄考左傳宜是子全紹衣曰叔仲昭伯乃虺也據杜氏則

昭伯名帶左傳帶之名見於策或者本名虺而後改為帶也不知帶本蛇名淮南子萬畢術所云即且

甘帶是也虺原為蛇則帶之即虺審矣。

仲述莊公之子東門襄仲。檀弓下疏

澍桮公子遂是為襄仲居東門故曰東門公孫敖之從父昆弟也述史記作遂鄒誕本作秫遂述字通

東門述產子家歸父及昭子子嬰。史記索隱太平御覽

澍桮襄仲子二公孫歸父仲嬰齊歸父字子家歸父奔齊魯使其弟嬰齊紹其後為仲氏司馬貞曰子

家駒魯大夫仲叔氏之族字懿伯楊倞曰子家羈公子慶父之孫歸父之後名羈字駒桮仲孫氏出自

桓公且懿伯為子家諡非字也司馬失之楊氏謂羈為歸父之後則是桓公玄孫非莊公玄孫與杜注

又異。

施伯魯惠公孫。史記正義正

澍按公子尾之子施父。施伯。施父之子。事莊公。齊桓公請管仲。伯勸殺仲。而以其屍授之。又惠公五世孫有施孝叔。公孫嬰齊嫁其外妹於孝叔。

宋譜。

宋潛公生弗甫何。弗甫何生宋父。宋父生正考甫。正考甫生孔父嘉。為宋司馬。華督殺之而絕其世。其子木金父降為士。木金父生祁父。祁父生防叔。為華氏所偏。奔魯。為防大夫。故曰防叔。防叔生伯夏。伯夏生叔梁紇。叔梁紇生仲尼。詩那正義正

澍按困學紀聞引世本云。正考甫生孔父嘉。為宋司馬。華督殺之而絕其世。又按潛夫論氏姓志云。弗父何生宋父周。周生世子勝。勝生正考父。詩頌疏引世本。脫去世子一代。宋父下脫周字。祁父家語作臯夷。漢書梅福傳。綏和元年。以世本相明封孔子世。是皆據此文也。

孔子後數世皆一子。檀弓上疏

澍按家語本姓篇云。仲尼生鯉。字伯魚。鯉生伋。字子思。伋生白。字子上。齊威王相。白生求。字子家。求生箕。字子京。魏相。箕生穿。字子高。穿生斌。字子順。魏文侯相。是孔子數世後皆一子之證也。

孔子生有異質。凡四十九表。反首。張面。大角。日準。河目。海口。龍額。斗脣。白顏。均頤。輔喉。駢齒。龍形。龜脊。虎掌。駢脅。修肱。參膺。坊頂。山臍。林背。翼臂。注頭。阜頰。堤眉。地足。谷竅。雷聲。澤腹。修上。趨下。朱僂。耳後。面如蒙。手坐過膝。耳垂珠庭。眉十二采。目六十四理。腰大十圍。長九尺有六寸。時人謂之長人。立如鳳峙。坐如龍蹲。手握天文。足履度字。望之如仆。就之如升。視若營四海。躬履謙讓。腹有文。曰制作定世符。

樹按路史記孔子四十九表。堤眉。谷竅。參臂。駢脅。腰大十圍。長尺十有六寸。時人謂之長人。坊頂。反首。張面。云事詳世本。是祖庭記依世本文爲說也。今據補。

桓公生向。父肸。肸生司城警。守警。守生小司寇。鱣及合左師。左成十五年疏

樹按春秋大事表引世本。合左師三字作及向。戊。又按合左師。卽向。戊也。肸。一引作勝。廣韻作盱。合非姓。乃所食之邑。

向。戊。生東鄰。叔子超。超生左師眇。眇卽向巢也。禮弓上疏

樹按。魍是巢之弟。故鄭注檀弓云。向。戊。孫。杜氏注。左云。曾孫。誤。

桓公生公子鱗。鱗生東鄉。臚。左文七年疏

樹按。鱗。臚。桓公孫。事成。公。成。公。薨。昭公將去羣公子。穆襄之族。攻公。臚。和。公。室。昭公乃立。昭公遇弑。事文公。子朱。爲少司寇。



莊公生右師戌。戌生司城師。左成十五年疏。

澍按公子成。莊公子也。華元代爲右師。杜預云。成逮事昭公。昭上距莊九十餘年。疑成非莊公子。或成爲莊公末年所生。然至昭公時已八十餘歲矣。陸德明曰。成本作戌。音恤。又按師。公孫師也。莊公孫文公殺昭公而自立。二年。昭公子將奉公母弟。須以作亂。公殺須及昭公子。使師爲司城。師子仲江。江事平公。江之孫幾。事元公。

襄公子墨夷須爲大司馬。其後有墨夷睪。廣韻

澍按風俗通云。宋大夫有墨夷須。墨夷鴻。墨夷臯。睪卽臯字。

宋莊公孫名固。爲大司馬。史記正義。

澍按杜注。固。莊公之孫。公孫固也。韋昭國語注。固。宋莊公之孫。大司馬固也。文七年。樂穆之族殺公孫固。時樂豫爲司馬。泓之戰。子魚爲司馬。是大司馬。宋之孤卿也。

樂氏本戴公生樂甫。術。術生碩甫。澤。澤生季甫。甫生子僕伊與樂豫。左文公七年疏。

澍按文十八年疏引世本云。戴公生樂甫。術。術生碩父。澤。澤生夷父。須。須生大司寇呂。與此微異。又按唐表。術作衍。季作夷。碩作傾。豫作呂。樂豫曾爲司馬。以讓公子卬。杜預以樂豫爲戴公會孫。非也。蓋玄孫。且世表以樂呂卽樂豫。李鍇以樂呂爲樂舉。疑非。三國志廣韻並作苴。氏族略云。公子衍曾孫樂莒。

莒孫喜。

戴公生樂甫。術生石甫。繹生夷父。傾生東鄉克。克生西鄉士曹。曹生子罕喜。禮弓下疏。

樹按左疏引世本云。須生大司寇呂。而此疏引云。傾生東鄉克。傾乃須之譌。蓋須有二子。曰呂曰克。子

罕是克之孫。或疑克即呂。非。唐書世系表。樂呂孫喜。喜生司城子罕。分喜與子罕為二人。誤。鄭公子喜。

字子罕。則樂喜之為子罕無疑也。史記鄒陽曰。宋信子罕之計。而囚墨翟。漢書作子冉。文穎注。以子冉

為子罕。漢書鄒陽傳注。亦以子冉即子罕也。又碩石。澤繹。須傾。夷季。皆字轉寫之譌。

華父督。宋戴公之孫。好父叔之子。左桓二年疏。

樹按左隱八年疏引世本云。戴公孫好父。說而廣韻作考父。

華督生世子家。世子家生華孫御事。華孫御事生華元。右師。左文十六年疏。

樹按華御事。華父督之孫。御事為司寇。事成。成公十七年薨。昭公將去羣公子。穆襄之族。攻公。御事

和公室。子元初事昭公。代公子成為右師。子二閱臣。

樂懼。戴公六世孫。左成十六年疏。

樹按杜預注左依此文。又按左傳。無樂懼。宜作樂舉。

宋公子目夷之後。以目夷為氏。辨證。

澗按潛夫論云。目夷氏子姓。宋微子後。路史國名記云。徐之滕東有目夷亭。蓋取於地以命名。後以爲氏也。左傳。宋公疾。太子請曰。目夷長且仁。君其立之。目夷辭曰。不順。史記宋世家。太子茲甫讓其庶兄目夷爲嗣。故杜注云。目夷。襄公庶兄。而說苑立節篇云。目夷是宋桓公後妻子。太子請曰。使目夷立。臣爲相。兄以佐之。目夷辭曰。弟立而兄在下。不義。乃逃之衛。又以目夷爲庶弟。

世子家生秀老。秀老生司徒鄭。鄭生司徒喜。

成十五年疏。

澗按氏族譜引世本氏姓篇云。宋華氏有華季老。子孫氏焉。此秀字宜作季。又按鄭卽向鄭。亦卽公孫鄭也。爲穆襄之族。殺喜。華喜共公時爲司徒。

蕩氏。本公孫壽生大司馬虺。虺生司馬澤。

成十五年疏。

澗按壽桓公子。公子蕩之子。蕩於桓公時爲司城。壽事文公共公。蕩虺。意諸弟。蕩澤。意諸子。字子山。一名山。事共公。

宋大夫東鄉爲人。

廣韻。

澗按服虔云。東鄉爲人之子。大司馬椒也。蓋卽皇郟。又按東鄉爲人。卽向爲人。爲大司寇。與魚石鱗朱向帶魚府出奔楚。廣韻引世本爲下脫人字。今補。

宋有大夫考成方。

廣韻。

澍按宋有老氏出戴公後有老成氏此引作考疑非是列子周穆王篇有老成子廣韻引列子又作考成是古老考通也

宋大夫西鉏吾西鄉錯廣韻

澍按襄公九年傳宋災子罕為政使西鉏吾庀府守又按吾為太宰事平公平公三年楚納魚石彭城我患之吾曰大國無厭鄙我猶憾不然而收吾憎使贊其政以閒吾釁亦吾患也釋文吾音魚又按姓苑宋有太宰錯君或即西鄉錯也

師延氏宋有樂人師延世掌樂職後有宋大夫師延宜廣韻

齊譜

太公望生丁公伋伋生乙公得得生瘡公慈母慈母生哀公不臣檀弓上宋衷云哀公荒淫田游史作還

詩以刺之也索隱

澍按左傳服注呂伋成王之舅猶公索隱引世本作祭公古史考作祭公慈心史記作癸公不臣史記作不辰又按哀公時紀侯譖之周夷王王烹哀而立其弟靜是為胡公靜一作靖

哀公同母少弟山怨胡公攻殺胡公而自立是為獻公宋注其黨周馬繻人將胡公於貝水殺之而山自立索隱

澍按宋仲子注補此。又案楚語沈諸梁曰昔齊驕馬繻以胡公入於貝水。韋昭注驕馬繻齊大夫也。胡公齊太公玄孫之子胡公靖也。虐馬繻馬繻殺胡公內之貝水。其說與世本宋仲子注均違異。又案獻公元年盡逐胡公子。因徙薄姑都臨菑。

武公壽

史記索隱

宋衷云武公十年宣王大臣共行政。故號曰共和。十四年宣王卽位。

澍案司馬貞云武公壽太公五代孫獻公子也。子厲公名无忌。厲公子赤是爲文公。

成公名說

史記索隱

澍案史記古史考說並作脫立九年子莊公。

莊公名贖

史記索隱

澍案史記贖作購。是時犬戎殺幽王。周東遷。莊公子名祿父。是爲僖公。

靈公名環。莊公名光。景公名杵臼。

史記索隱

澍案靈公爲頃公無野子。在位二十八年。環公羊作瑗。子莊公。母曰嬖聲姬。在位六年。景公。靈公子。崔

杼殺莊公。立杵臼而相之。在位五十八年。子悼公。名陽生。

田常立簡公弟鶩。是爲敬公。

史記索隱

澍按敬公史記作平公。司馬貞引譙周古史考以世本爲誤。又按兩世家以平公爲簡公弟。人表云簡

子非也。簡公名壬，陳恆弑之而立懿。在位二十五年。子積是爲宣公。

管氏本莊仲山產。敬仲夷吾，夷吾產武子鳴鳴，鳴鳴產桓子啓方，啓方產成子孺，孺產莊子盧，盧產悼子其夷。其夷產襄子武，武產景子耐步，耐步產微，凡十代。史記索隱

澍按左僖公十二年傳：管氏之世祀也。宜哉。孔疏：世族譜，管氏出自周穆王。成十一年傳：有齊管于奚，譜以爲雜人，則非管仲之子孫。哀十六年傳：稱楚白公殺齊管修。杜云：管修，楚賢大夫。故齊管仲之後。

頃公生子夏勝，勝生子石青。左昭二十一年疏

澍案：哀十一年，魯會吳伐齊，宗樓與閭丘明相厲，桑掩胥御國書。公孫夏曰：二子必死，將戰，夏命其徒歌虞殯，戰敗死之。青字子石，衛齊豹之亂，靈公如死，烏會公使青聘於衛，勝疑公孫捷也。

高氏本敬仲生莊子，莊子生傾子，傾子生宣子，宣子生厚，厚生止。左昭二十一年疏

澍按：唐世系表：齊太公六世孫文公赤，生公子高，孫僂爲上卿，與管仲合諸侯有功。桓公命僂以王父字爲氏，食邑於盧，諡曰敬仲。世爲上卿。敬仲生莊子虎，虎生傾子，傾子生宣子，固生厚，厚生子麗，子麗生止，奔燕，未知何據。止字子容，爲大夫。事景公。又按劉炫左傳述義云：據世本，高止，敬仲玄孫之子，不立。止近親，遠取敬仲曾孫者，齊人賢敬仲，故繫之言。敬仲曾孫，則此人祖父皆非正適，今別立之，遠繼敬仲後，高止祖父皆絕其祀也。風俗通言：僂采高堂，與世表說異。

傾子之孫武子偃。左襄公二十九年疏。

澍按昭十二年疏引世本云。傾子之孫鄰。又按左襄二十九年傳。高敬仲之曾孫鄰。昭公十二年傳稱高偃。孔穎達謂世族譜以鄰與偃爲一人。蓋鄰偃聲相近而字爲二耳。但傳以鄰爲敬仲曾孫。世本以鄰爲敬仲元孫。世本有鄰無偃。以此知爲一人。昭十二年杜注曰。高偃敬仲元孫。據世本也。偃子高張。是爲高昭子。

僖子生昭子莊。簡子齒。宣子其夷。穆子安。廩丘子鑿齒。芒子盈。惠子得。左哀二十四年疏。史記索隱。

澍按索隱引世本云。陳僖子乞產成子常。簡子齒。宣子其夷。穆子安。廩丘子尙鑿茲。子芒盈。惠子得。凡七人。與此微異。杜注。夷上無其字。鑿作意。又取昭子莊以充八人之數。然世本昭子是桓子之子。成子之叔父。又不名莊。杜氏誤也。

昭子將來。桓子之子。成子之叔父。太平御覽。

陳完卒。諡敬仲。子夷。孟思。夷孟思之子。曰閔孟克。閔孟克之子。曰陳須無。史記索隱。

澍案閔一引作閔。誤。史記田完世家。敬仲生穉孟夷。夷生潘孟莊。莊生文子須無。索隱云。穉是名。孟夷字也。又按完。陳厲公子。莊二十二年。陳人殺宣公。太子御說完奔齊。須無完曾孫文子也。子無字。

陳桓子無字。產子甕。甕產子獻。獻產御鞅。史記索隱。

澍案左傳無字子三。開乞書。開字子彊。是爲陳武子。炊鼻之戰。冉豎射開。中手失弓而罵者。當卽晏子。所謂田開疆也。書字子占。是謂孫書。事景公。司馬貞云。鞅爲僕御之臣。故曰御鞅。田氏之黨。

成子當生襄子班。班生莊子伯。禮弓下

澍案當疑作常。卽陳桓子乞之子也。鮑昱曰。陳成子有數十婦。生男百餘。索隱引世本云。襄子名班。莊子名伯。又按史記。成子生襄子盤。盤生莊子白。白生太公和。遷齊康公於海上。立爲諸侯。司馬貞云。紀年齊宣公十五年。田莊子卒。明年立田悼子。悼子卒。乃次立田和。是莊子後有悼子。蓋立年無幾。所以作世本及史記者不得錄也。而莊周及鬼谷子亦云。田成子殺齊君十二代。而有齊國。今據世本世家。自成子至王建之歲。祇十代。若如紀年。則悼子及侯剡。卽有十二代也。

齊宣王名辟疆。威王之子也。史記索隱

澍案威王名因。桓公之子也。桓公名午。太公和之子。此田氏之齊威王。在位三十六年。宣王在位十九年。

湣王名遂。史記索隱

澍按史記。湣王名地。宣王子。在位四十年。子法章立爲襄王。在位十九年。子建卽位。四十四年。聽后勝計。降秦。滅之爲郡。



國氏本懿伯生貞孟。貞孟生成伯高父。史記索隱。檀弓下疏。

澍按國歸父。齊上卿國莊子也。武生子佐。佐生勝及弱。靈公時。佐殺慶克以穀叛。公殺佐及勝。弱奔魯。既而反。弱嗣國氏。是爲景子。佐孫惠子夏。陳乞殺公子荼。夏奔魯。後有國書。悼公時。魯殺之。書生觀。平公時。晉趙鞅圍衛。觀及陳瓘救衛。若懿伯貞孟亦國氏族也。成伯高父。卽檀弓所謂成子高。越甲至齊。雍門狄請死。齊王曰。矢石未了。何務死。對曰。臣聞王昔田於囿。車穀鳴。車右請死。王曰。此工師之辜。子何事焉。車右曰。王不見工師之爲乘。而見車鳴。車右遂刎頸而死。越軍聞之。遂退。北堂書

澍按此不類世本本文。說苑有之。

衛譜。

衛康伯名髦。史記索隱。宋衷曰。康伯卽王孫牟也。事周康王爲大夫。左傳所謂王孫牟父也。

澍按司馬貞云。牟髦聲相近。故不同耳。杜預世族譜作髦。云髦牟聲相近。譙周古史考無康伯。而云子牟伯立。蓋以父子不宜俱諡。康故因其名曰牟伯也。又按馬融王通皆云。康國名在千里之畿內。旣滅管叔。更封爲衛侯。其子始以康爲諡。索隱之說未盡然也。

康伯生考伯。考伯生嗣伯。嗣伯生摯伯。摯伯生靖伯。靖伯生箕伯。箕伯生頃侯。頃侯厚賂周夷王。王命衛爲侯。史記索隱。

澍按摯伯史記作慮伯人表以靖伯為建子建宜為慮字之譌箕伯作貞伯頃侯一引作頃伯又按孔安國曰方伯州牧也五代恆為方伯至頃侯德衰不監諸侯乃從本爵而稱侯非是至子而削爵及略夷王而稱侯也

頃伯生僖侯僖侯生武公史記索隱

澍按頃伯即頃侯立十二年子僖侯名羨立四十二年子武公名和史記曰和襲殺太子餘自立又云犬戎殺幽王武公將兵平戎有功王命為公也又按左傳疏康叔周公弟武公康叔九世孫

戴公名申閔二年疏

澍按昭伯宣公子戴公惠公朔庶兄元年狄敗衛宋桓公立戴公自廬於曹許穆夫人賦載馳齊語注

云公孫申

悼公名虔史記索隱

澍按杜注悼公為蒯瞶庶弟公子黜史記出公季父黔攻出公而自立是為悼公立五年卒虔作黔與

世本異

悼公子敬公費史記索隱

澍按史記敬公立十九年卒費作弗

敬公生橈公舟。史記索隱。

澍按史記曰敬公生昭公糾。是時三晉彊。衛如小侯。屬之。六年。公子齊弒公代立。是爲懷公。司馬貞以敬公生橈公舟爲非。

慎公子聖公馳。史記索隱。

澍按慎公悼公子也。史記公子穰殺懷公而自立。是爲慎公。史記作聲公訓。蓋古訓聖者聲也。字得通用。

聖公子成侯不逝。史記索隱。

澍按史記成侯名速。司馬貞以爲穆公已名邈。不可成侯更名速。則世本是也。成侯十六年。衛貶號爲侯。在位二十九年。子平侯立。在位八年。子嗣君立。五年。更貶號曰君。獨有濮陽。

獻公生成子當。當生文子拔。拔生朱。爲公叔氏。檀弓下疏。

澍按拔傳作發。發拔字相通。詩武王載旆。說文土部引作載垓。荀子議兵篇引作載發。何晏論語集解。孔安國注作枝朱子。沿之誤也。檀弓上有公叔木。鄭康成曰木當作朱。春秋作戊。檀弓下亦作戊。事靈公。公惡之。以其富也。戊又將去夫人之黨。夫人愬之。公逐戊。戊奔魯。杜注戊文子之子。

靈公生昭子郢。郢生文子木及惠叔蘭。蘭生虎。爲司寇氏。檀弓下疏。

澍按公子郢字子南靈公子故又曰南氏子木卽左傳公孫彌牟字子之所謂公孫文子惠叔蘭檀弓以爲惠子蘭爲衛司寇蘭廢適子虎而立庶子及惠子蘭卒言偃變服弔彌牟以譏之而後虎立

文子生簡子瑕瑕生衛爲將軍文氏檀弓上疏

澍按一引簡子瑕下無瑕生衛三字誤脫又按衛有公子瑕字子適成公三年元咺立五年周黻治厯納成公殺瑕及其弟子儀氏族略以彌子瑕爲公孫彌牟之孫非也彌子瑕在靈公時彌牟在出公悼公世觀左哀二十五年傳二子前後相及

懿子兼生昭子舉舉生趙陽兼卽趙繫也左定十四年疏

澍按一引繫上無趙字又按左傳靈公逐公叔成其黨趙陽奔宋趙陽者趙繫孫繫嘗於靈公二年及諸侯之大夫會楚子於陳

公孟彊靈公之子字公孟名彊左隱八年疏

澍按左傳孟紃襄公子公孟也母曰嫺始紃之足不良杜注公孟彊孟紃字正義云此實公孫而不稱公孫者紃字公孟故卽以公孟爲氏劉炫謂公孟生得賜族故彊卽以族告

孫氏出於衛武公至林父八世左成公十四年疏

澍按孫昭子衛同姓食邑於戚其後爲孫桓子良夫良夫生文子林父林父生襄嘉蒯林父遂獻公立

殤公獻公復入林父以戚叛如晉孫氏遂絕。

孔莊叔達生得閭叔穀穀生成叔烝鉏鉏生項叔羅羅生昭叔起起生文叔圉圉生悝禮記祭統疏

澍按羅當作羈昭七年傳孔成子夢康叔謂已立元余使羈之孫圉與史狗相之杜左注成子孔達孫羈烝鉏子圉羈孫也又按左傳孔嬰齊事懿公熒澤之戰嬰齊殿達其後也左傳叔皆作子

衛有大夫左公子洩右公子職廣韻

澍按魯桓公十六年左公子洩右公子職怨公立公子黔牟衛惠公來奔莊公六年公入殺之又按左注疏云蓋衛宣公之兄弟左右媵之子因以爲號

衛有王孫賈出自周頃王之後王孫賈之子自以去王室久改爲賈孫氏廣韻

澍按春秋分記云康叔子王孫牟之後王孫賈事靈公鄆澤之盟晉涉佗成何辱公公欲叛晉使賈問諸國人子齊事出公爲大夫又按齊策王孫賈年十五與市人殺淖齒是齊亦有王孫賈也楚昭王功臣有王孫賈見定五年傳說苑權謀篇有王孫商

秦譜

大業生栢翳

澍按索隱云大費一名栢翳尙書謂之伯益世本謂之栢翳今據補一引作世本謂之伯益疑非又按

史記正義云。列女傳。陶子生五歲而佐禹。曹大家注。陶子者。皋陶之子伯益也。按此知大業即是皋陶。仲滑生飛廉。史記索隱。

澍按仲滑即仲潘也。戎胥軒納酈山氏所生。胥軒仲衍曾孫。

穆公名任好。史記索隱。

澍按穆公。德公之少子。在位三十九年。子康公。名營。又按繆與穆同。而蒙恬傳。風俗通。皇霸篇。以為惡諡。讀靡幼反。

景公名后伯車。史記注。

澍按御覽引世本云。景公名后伯車。非是。后伯車。景公之弟鍼也。非是以下。係仲子注。駁正語也。景公名石。桓公之子。在位四十年。索隱云。始皇本紀作哀公。又云。一作僖公。

昭王名側。史記索隱。

澍按史記作昭襄王。名稷。稷與側。古字通。而秦紀索隱引世本名則者。字誤也。昭王為武王異母弟。在位五十六年。

簡公之後。次敬公。次惠公。史記索隱。

澍按史記。簡公。懷公弟。靈公。年父也。卒。子惠公立。無敬公。而紀年云。簡公九年卒。次敬公立。十三年卒。

乃立惠公與世本合。劉伯莊云：簡公是昭子之弟，懷公之子，厲公之孫。今史記謂簡公是厲公子者，誤。懷公生昭子，昭子生靈公。史記索隱

澍按：史記懷公生靈公，諸臣圍懷公，懷公自殺，肅靈公，昭子子也。司馬貞云：世本無肅字，立十年，表同紀十三年。

簡公名悼子，卽刺龔公之子，懷公弟也。史記索隱

澍按：司馬貞云：本紀簡公名悼子，卽刺龔公之子，懷公弟也。世本皆以爲然。司馬遷云：靈公子，謬也。人表作厲共公。

惠公生少主。史記索隱

澍按：惠公簡公子，少主。史記作出公司馬貞云：世本謂少主，呂氏春秋作小主。又按少主立二年自殺。紀云：庶長攻殺出子，沈之淵旁。

元獻公立二十四年。史記索隱

澍按：徐廣云：靈公子。史記獻公無元字。呂氏春秋云：名連。六國表云：名師隰。史記云：立二十三年。本紀作二十四年。表與世本合。子孝公，名渠梁。

武烈王十九而立，立三年。史記索隱

澍按史記作悼武王享國四年惠文王子也。

始皇名正。史記注宋忠云以正月旦生故名正。

澍按司馬貞云世本作政又生於趙故曰趙政一云秦與趙同祖以趙城為榮故姓趙氏張守節云正

音政周正建子之正也始皇以正月旦生於趙因名政後以始皇諱故音征。

晉譜

唐叔燮子曼期為武侯。史記索隱

澍按國都城記叔虞之子燮父徙居晉水傍改號曰晉曼期古史考作曼旗史記作寧族。

成侯子輻為厲侯。史記索隱

澍按史記武侯之子服人是為成侯成侯子福是為厲侯。

厲侯子靖侯宜曰。史記索隱宋衷曰唐叔五代已下無年紀。

澍按十二諸侯年表索隱引云唐叔五代孫厲侯子靖侯也。

釐侯子蘇為獻侯。史記索隱

澍按史記釐侯靖侯子名司徒子獻侯名藉司馬貞云世本譙周皆作蘇。

穆侯名弗生。史記年表



澍按史記獻侯子穆侯名費生鄒誕本作弗生或作澧生並音秘

靖侯庶孫欒叔賓父史記正義

澍按史記靖侯庶孫欒賓相桓叔

孝侯子郟為鄂侯史記索隱

澍按昭侯子平為孝侯侯表云世本作郟索隱云他本作都者非鄂邑郟其名鄂侯子哀侯

武公曲沃莊伯子韓萬莊伯弟桓三年疏

澍按侯表莊伯桓叔子世家名鱣史記周平王使虢公將兵伐曲沃莊伯莊伯走保曲沃晉人共立鄂

侯子光是為哀侯哀侯二年曲沃莊伯卒子稱代莊伯立是為曲沃武公小子侯元年曲沃武公使韓

萬殺所虜晉哀侯賈逵曰韓萬曲沃桓叔之子莊伯弟

昭公生札桓公子雍雍生忌忌生懿公驕史記索隱

澍按徐廣曰世本作桓子雍注云桓子雍戴子也又按釋史引云昭公生桓子雍雍生忌忌生懿公驕

又按忌為哀公

懿公生幽公柳幽公生烈成公止史記索隱宋忠注云幽公之時晉衰反朝韓趙魏之君

澍按史記幽公哀公子也其說誤紀年幽公敬公子也蓋懿公又諡敬公又按史記衰作畏宋引改之

年表。魏誅幽公。立其弟止也。史記幽公淫。婦人夜竊出邑中。盜殺幽公。紀年云。夫人秦嬴。賊公於高寢之上。烈成公。史記作烈公。

晉出公名鑿。史記索隱

澍按出公。定公子。史記作錯。世表。晉出公錯十八年。晉哀公忌二年。懿公驕十七年而卒。世家云。晉出公十七年。晉哀公驕十八年。而無懿公紀年。出公二十三年奔楚。乃立昭公之孫。是為敬公。史記出公奔齊。道死。智伯乃立昭公曾孫驕為晉君。是為哀公。哀公大父雍。晉昭公少子。號戴子。生忌。忌善智伯。蚤死。故智伯欲并晉未敢。乃立忌子驕為君。參互不一。與世本違舛。

晉定公名午。史記索隱

澍按定公頃公去疾子也。子出公鑿。又按釋史本作昭公孫。以人表為重出。以表前已列定公也。其說非是。當云晉懿公哀公子。蓋定公卒。子出公立。出公之後為懿公驕。

孝公傾欣。史記索隱

澍按六國表。孝公為烈公子。紀年以孝公為桓公。韓子有晉桓侯。史記作孝公頤。又按紀年。桓公二十年。趙成侯韓共侯遷桓公於屯留。已後更無晉事。

孝公生靜公俱。史記索隱

澗按世家作俱酒人表云晉靖公任伯爲韓魏所滅豈有二名耶靜公二年魏武侯韓哀侯趙敬侯滅晉三分之靜公遷爲家人

中行氏晉大夫逝邀生桓伯林父林父生宣伯庚庚生獻伯偃偃生穆伯吳吳生寅本姓荀自荀偃將中軍晉改中軍曰中行因氏焉元與智氏同祖逝邀故智氏亦稱荀氏史記索隱

澗按僖公二十八年林父始將中行故改中行氏此云荀偃將中軍改中軍曰中行因氏焉其說非是偃字伯游諡獻子趙世家索隱引世本作獻伯又按竹書云晉曲沃武公滅荀以賜大夫原氏黯爲荀叔傳稱荀息云荀叔宜卽原黯也

程鄭荀氏別族杜預左注

澗按成十八年疏曰世本有文又按成十八年傳程鄭爲乘馬御杜注程荀氏別族是用世本爲說也又按晉語注程鄭荀驢之曾孫程季之子驢林父弟也春秋分記云逝敖之孫荀驢諡文子食邑於程驢一作驢路史作歡誤路史又謂逝敖曾孫荀歡亦非晉又有程嬰程滑

范氏晉大夫隰叔之子士蔣之後蔣生成伯缺缺生武子會會生文叔燮燮生宣叔匄匄生獻子鞅鞅生吉射也文十三年疏史記索隱

澗按成伯缺左疏作士伯缺程克齋分記以會爲士穀子誤穀在後又按汲郡古文云成王八年王師

滅唐遷其民於杜。杜伯之子隰叔，違難奔於晉，生子輿。子輿即士蔦也。士蔦生士毅，士毅缺，缺生會，會食邑於范，是為范武子。故宣子曰：吾主夏盟為范氏，或云武子佐文襄，輔成景，是以受隨。范是士蔦初以官為氏，至會始以邑為氏。宣十七年杜注：初受隨，為隨武子。後受范，為范武子。焦竑曰：士毅，士會，士蔦，當作士蔦。承杜伯之後，士即杜也。齊詩自杜沮漆，古文尚書雲杜夢，作父呂氏。春秋杜作乘馬，可證也。然考晉語，訾祐曰：隰叔子違，周難於晉國，生子輿，為理。韋昭曰：理，士官也。班固亦言晉主夏盟為范氏，范氏為晉士師，是范氏先以官為氏，以士為杜說亦未然。

智氏本逝，遊生莊子首，首生武子罄，罄生莊子朔，朔生悼子盈，盈生文子櫟，櫟子宣子甲，甲生智伯瑤。史記索隱

澍按荀首字知季，林父之弟，為下軍大夫。罄字子羽，為中軍將。左傳以朔盈皆為罄子也。盈字伯夙，為下軍佐櫟。史記作躒。佐下軍甲生子二：宵瑤、瑤嗣卿甲。呂覽作申，誤。瑤諡襄子，子開。見史記年表。

芊舌氏，叔向兄弟有季夙。昭五年疏

澍按閔二年傳：芊舌大夫，正義引譜云：芊舌氏，晉之公族。芊舌，其所食邑也。杜注：芊舌職，叔向父。新唐書：武公曾孫突，芊舌大夫也。又按左傳：芊舌四族。注：銅鞮伯華、叔魚、叔虎兄弟四人，服虔數伯華、叔向、叔魚、季夙，正義以季夙即叔虎，非也。叔季，兄弟之次，且叔虎已死，不得與四族之數。劉炫以為別有季

夙而規杜氏。其言良是。唐宰相世系云。芊舌職五子。赤肸鮒虎。季夙。赤字伯華。肸字叔向。鮒字叔魚。虎字叔罷。號芊舌四族。叔向食邑於楊。又曰楊肸叔虎。一云字叔虎。

孫伯鬻。生司空頡。頡生南里叔子。叔子生叔正。宮伯。宮伯生司徒公。公生曲沃正。少襄。襄生司空大伯。大伯生侯季子。季子生籍游。游生談。談生秦。左昭十五年疏

澍按一引孫伯鬻作籍鬻。宮伯。春秋分記作宮正。司空作司功。左傳。王曰孫伯鬻。司晉之典籍。以爲大政。故曰籍氏。杜注。鬻。晉正卿。籍談九世祖。韋昭云。偃。晉大夫。籍季之子。籍游也。偃字游。索隱引世本云。籍秦者。大夫籍游之孫。籍談之子。又按談字叔故。曰叔氏。亦曰籍父。事昭公。子秦。事頃公。爲上軍司馬。新唐書。荀林父之孫曰籍偃。一曰孫伯鬻。以字爲氏。其說舛誤。林父在僖公時。相去勵百年。安得自孫以下復傳九世乎。鄭樵以鬻爲文侯弟陽叔伯鬻。恐非。羅泌謂籍氏爲荀之別族。孫卽荀也。

郤豹生冀芮。冀芮生缺。缺生克。左成二年及十一年疏

澍按氏族略云。文子叔虎豹。食邑於郤。因以爲氏。廣韻云。俗作郤。王符云。芮從邑。氏冀。周語云。字子公。郤豹字叔虎。獻公伐翟。祖豹被羽先登。遂克之。子芮。悔納文公。謀作亂。秦伯誘殺之。缺卽郤成子。趙盾卒。缺爲政。克獻子也。克子錡。食采於駒。字駒伯。

郤豹又生義。義生步揚。步揚生州。左僖十五年疏。左成十一年疏。

澍按左傳步揚御戎注卻犇父廣韻揚食采於步遂以為氏州即犇也潛夫氏姓志作響誤犇為卻克從祖昆弟杜氏以為從父兄弟誤路史云犇別采苦成故曰苦成叔諡文子

步揚生蒲城離居蒲城離居生至左成二年疏

澍按至字季食邑於温又曰温季佐新軍為長魚矯殺晉語作卻昭子

晉蒲邑大夫公佗世卿廣韻

晉有英成僖子廣韻

澍按廣韻莢字韻下又引云晉有大夫莢成僖子而姓氏急就章引云晉大夫菱氏僖子王氏既誤而廣韻莢莢亦必有一誤

鄭譜

武公名突滑古史考

澍按史記作掘突索隱云非也昭公名忽厲公名突豈有子孫同名乎蓋舊史雜記昭厲之名誤以為

武公字耳

鄭伯費是鄭悼公樂梁成六年疏

大夫子游子瑕並公孫夏之子駟氏左昭十七年疏

澍按杜注子瑕子游叔父公孫夏子是子游乃駟帶之子駟偃也子瑕駟乞也瑕一引作瑜誤又按公  
子偃字子游是爲游氏偃生公孫蠆蠆生游販販生良及吉游販奪人妻其夫殺販於是廢游良而立  
吉吉生速吉之從祖曰游楚亦穆公孫又按公子駟字子駟是爲駟氏駟生公孫夏夏生駟帶駟乞帶  
生偃偃生絲偃卒絲弱其父兄立乞乞生顓公孫黑生駟印黑欲去游氏而代之公孫僑討之黑縊  
又有駟弘字子般聲公時齊輸晉范氏粟弘送之又有駟秦嬖大夫也富而侈嘗陳卿之車服於其庭  
國人惡而殺之

鄭有子師僕廣韻

澍按鄭簡公三年冬十月尉止司臣堵汝父侯晉子師僕帥賊以入晨攻執政于西宮之朝殺公子駟  
公子發公孫輒國人攻之殺尉止子師僕

陳譜

陳胡公滿史記索隱宋忠曰虞思之後箕伯直柄中衰殷湯封遂於陳以爲舜後是也

澍按詩陳風譜滿闕父之子左注賜姓曰媯世家亦曰媯滿魯語注曰胡滿

厲公躍左桓十二年疏

澍按桓十二年疏云陳世家言蔡人爲佗殺五父及桓公太子免而立佗是爲厲公太子免之亡弟躍

林杵曰共殺厲公而躍立是為利公。既以佗為厲公。又稱躍為利公。世本原無利公。皆是馬遷妄說。東  
哲言遷分一人以為兩人。以無為有。謂此事也。又按厲公是桓公子。其母蔡女。人表以厲公為桓公弟。  
疑非。

陳大夫宣公生子夏。夏生御叔。御叔生徵舒。舒生惠子。晉生禦寇。禦寇生悼子。齧。左昭公二十二年疏。

澍按昭二十三年。獲陳夏齧。杜注。徵舒玄孫。據世本。悼子齧是徵舒曾孫。杜注以為玄孫。誤也。世族譜  
云。悼子徵舒三世孫。

鍼宜咎。陳鍼子八世孫。左襄公二十四年疏。

澍按鍼子。陳大夫。事桓公。桓公三十年。鄭公子忽來逆婦媯。夏四月。以媯氏歸。鍼子送女。先配而後祖。  
鍼子曰。是不為夫婦。誣其祖矣。非禮也。何以能育。宜咎黨慶虎。慶寅。國人討慶氏之黨。宜咎出奔楚。為

楚箴尹。

少西子穆。僖子子穆安後。路史

澍按徵舒祖子夏也。字少西。是為少西氏。

僖子生廩丘子尚。路史

子占。子沮。烈子後。路史



僖子子芒後。路史

桓子石生子石後。路史

陳有鬪門氏。廣韻

### 蔡譜

蔡平侯者靈侯般之孫太子友之子。史記正義

澍按靈侯景侯固之太子在位十二年平侯名廬隱太子之子在位八年徙新蔡見地理志隱太子即太子友左傳作世子有靈侯十二年楚滅我用世子有於岡山平侯即位諡曰隱史記云平王乃求蔡景侯少子廬立之是為平侯而人表亦謂為景侯子皆誤

### 楚譜

陸終子其六曰季連是為芋姓季連產付沮氏付沮氏產穴熊九世至於渠婁繇出自熊渠有三人其孟之名為庸為句祖王其中之名為紅為鄂王其季之名為疵為就章王。太平御覽

澍按史記集解引世本云季連生附沮孫檢云沮作祖索隱引世本云熊庸為句祖王疵為就章王楚世家云熊渠生子三人立其長子康為句亶王中子紅為鄂王少子執疵為越章王司馬貞曰世本康作庸亶作祖執疵無執字越作就又按大戴禮庸作無康就作戚

熊渠封其中子紅爲鄂王。水經注。路史。

澍按左正義曰。鄭語孔晁注云。熊繹玄孫曰熊摯。有疾。楚人廢之。立其弟熊延。熊摯自弃於夔。子孫有功。王命爲夔子。索隱據古史考。熊渠卒。子熊翔立。卒。長子摯有疾。少子熊延立。又按九州要記。鄂國。今武昌東鄂也。

穆王生王子揚。揚生尹。尹生令尹。甸。左昭十七年疏。

澍按穆王名商臣。成王之太子。子莊公。名旅。史記作侶。甸宜作句陽。句子瑕也。又按左傳。子揚。卽令尹鬬般。子揚之子爲箴。尹克黃也。

楚武王墓在豫州新息。史記正義。

澍按武王名熊通。蚡冒之弟。自立爲武王。地理志作熊達。左傳始僭號稱王。皇覽云。楚武王家在汝南郡。銅陽縣葛陂。城東北。民謂之楚王岑。漢永平中。葛陂城北。祝里社。下於土中。得銅鼎。而銘曰。楚武王。由是知武王之冢。民傳言秦頃赤眉之時。欲發之。輒積壤填壓。不得發也。又按此係宋忠注文。

康王名招。史記索隱。

澍按史記作名昭。共王之子也。子邲敖。名麇。

頃襄王卒。太子熊完立。是爲考烈王。史記索隱。

樹按據史記。頃襄王卽懷王槐之子。淮南子曰。頃襄王好色。不使風議。而民多昏亂。其積至昭奇之禍。史記完作元。東徙都壽春。命曰郢。子幽王悍。李園女弟所生。

蔦艾獵。孫叔敖之兄。蔦子馮。艾獵之子。左襄十五年疏。

樹按高誘呂氏春秋注。孫叔敖令尹蔦賈之子。左傳杜注。艾獵。孫叔敖也。服虔云。蔦艾獵。孫叔敖也。穎容釋例亦以艾獵。孫叔敖爲一人。襄十五年傳。蔦子馮爲大司馬。注云。叔敖從子。世本馮是艾獵之子。此明文可據。正義以世本轉寫之誤。非也。近時蕭山毛奇齡辯叔敖非楚公族。並非蔦氏。乃期思之鄙人。盧昭弓云。竊案左氏宣十二年傳。隨武子云。蔦敖爲宰。擇楚國之令典。軍行右轅云云。下。令尹南轅反旆。又云。王告令尹。改乘轅而北之。是蔦敖卽孫叔敖。軍事皆主之前一年。令尹蔦艾獵城沂。比年之間。楚令尹不聞置兩人。知分篇雖有孫叔敖三爲令尹而不喜。三去令尹而不憂之語。乃是子文之事。誤記耳。况在軍中。必無輕易廢置之理。其爲一人無可疑。漢時孫叔敖碑。君名饒。字叔敖。未知何據。

葉公。楚縣公。葉公子高。緇衣注疏。

樹按論語疏引世本云。楚大夫沈諸梁。食采於葉。僭稱公。

屈蕩。屈建之祖父。左襄二十五年杜注。

樹按屈蕩事莊王。生到。到生建。建生生。又別有屈蕩事康王。康王以屈到爲莫敖。蕩爲連尹。到卒。以建

爲令尹蕩爲莫敖蕩生申申亦爲莫敖事靈王

平王孫有田公它成荀子注

楚有大夫恒思公廣韻

楚大夫涉其柝廣韻

澍按左傳藍尹亶涉其柝謂以舟涉其柝不與王舟也故外傳云載其柝則柝非人名涉其亦非姓也未知世本何以舛誤至此

秦將王翦滅楚孫檢曰秦虜楚王負芻滅去楚名以楚地爲秦郡史記索隱

澍按秦將王翦蒙武破楚國虜王負芻也

韓譜

韓萬曲沃桓叔之子史記索隱

澍按桓三年疏引世本云韓萬莊伯弟史記云韓萬莊伯之弟曲沃武公之叔父服虔左注韓萬曲沃

桓叔之子莊伯之弟與世本合

桓叔生子萬子萬生昧伯昧伯生定伯簡簡生輿輿生獻子厥史記索隱

澍按厥爲萬之曾孫杜注左云元孫誤又按成二年疏引世本云桓叔生子萬子萬生昧伯昧伯生子

興子與生獻子厥。又宣二年疏引此文。並脫定伯簡一代。子與。韋昭注作子鎮。

厥生宣子起。起生平子頃。左傳疏。

澍按吳世家正義引世本云。宣子名秦。索隱引世本云。平子名頃。宣子子也。頃。春秋分記引世本作須。平子史記作貞子。又按厥長子无忌。是為公族穆子。悼公立。使為公族大夫。起四子。須。叔禽。叔椒。子羽。杜左注以厥為即韓起。韋國語注以厥為韓獻子之子无忌弟。疑誤。

簡子名不信。史記索隱春秋分記。

澍按不信字伯音。起之孫。事定公。趙世家亦有簡子名不佞。徐廣曰。史記多無簡子。莊子而云貞子生

康子。班氏亦同。

莊子名庚。史記索隱春秋分記。

澍按莊子簡子之子。春秋分記引世本云。韓平子須生簡子不信。不信生莊子庚。庚生虎。

康子名虎。史記索隱春秋分記。

澍按晉語注云。康子韓宣子之曾孫。莊子之子虎也。人表以虎為貞子子。呂覽任數注謂貞子生康子。

疑誤。

武子名啓章。康子之子。史記索隱。

澍按武子二年弑其君幽公紀年晉烈公元年韓武子都平陽呂覽任數注云都宜陽

景子名虔史記索隱

澍按景子史記作景侯武子之子

景子子武侯斯史記索隱

澍按史記韓列侯名取武侯名擊世本無列侯也又按索隱引世本云武侯取

武侯子文侯

澍按文侯列侯子也見六國表索隱云紀年無文侯世本無列侯是世本有文侯也今補又按文侯子

哀侯

懿侯史記索隱

澍按史記韓世家哀侯子懿侯年表懿侯作莊侯又紀年云韓山堅賊其君哀侯而韓若山立若山即

懿侯也世本無名世家名若疑脫山字

韓宣王昭侯之子史記索隱

澍按史記作宣惠王

趙譜

公明生共孟及趙夙。夙生成季衰。衰生宣孟盾。史記索隱

澍按成十年疏引世本云。公明生趙夙。定十三年引世本云。趙衰。趙夙之弟。又按國語。趙衰。趙夙弟也。字子餘。諡成子。晉語韋注。衰。公明之少子。按夙與衰。世次相縣。不應爲弟兄。史記云。夙生共孟。共孟生衰。以衰爲夙之孫。然趙夙事獻公。趙衰事文公。年相當也。不應衰爲趙夙孫。焦氏易林云。伯夙奏獻。衰續厥緒。則非兄弟明矣。世本爲是。譙周以世本爲誤。非也。

趙夙爲衰祖。穿爲夙之曾孫。左宣公二年疏

澍按杜左注。夙爲趙衰兄。世本乃云夙爲衰祖。杜預說非也。又注。穿爲趙夙庶孫。定十三年傳正義曰。世本趙衰。趙夙之弟也。衰之後爲趙氏。夙之後爲耿氏。據此。夙邑於耿。以耿爲氏。穿之後又以邯鄲爲氏。

景叔名成。史記索隱

澍按昭七年傳。子產適晉。趙景子問焉。杜注。景子。晉中軍佐趙成。趙武子也。左傳作景子。世本作景叔。不同耳。

代成君子起。卽襄子之子。史記索隱

澍按司馬貞曰。代成君名周。伯魯之子。襄子之孫也。世本誤。

襄子子桓子名嘉史記索隱

澍按史記云襄子弟桓子逐獻侯自立於代與世本違又按自趙夙至襄子凡九世

敬侯名章史記索隱

澍按敬侯烈侯太子也司馬貞曰紀年云魏武侯以桓公十九年卒韓哀侯趙敬侯並以桓公十五年

卒又趙世家烈侯十六年與趙分晉封晉君端氏其後十年肅侯徙晉於屯留不同也

成侯名種史記索隱

澍按成侯敬侯章子竹書云成侯名偃成侯元年公子勝與成侯爭立為亂在位二十五年

肅侯名語史記索隱

澍按肅侯成侯子成侯卒公子緤與太子肅侯爭立緤敗亡奔韓肅侯元年奪晉君端氏徙處屯留又

按國策補注云世本名言疑字脫其半肅侯子武靈王名雍

孝成王丹生悼襄王偃偃生今王遷史記索隱

澍按孝成王丹惠文王太子也在位二十一年悼襄王在位九年徐廣云王遷無諡司馬貞云今史記

獨稱幽繆王者蓋秦滅趙之後人臣竊追諡之太史公或別有所見而記也又按淮南子秦流王遷於

房陵思故鄉作山木之謳聞者莫不隕涕



魏譜

畢萬生芒季。季生武仲州。州生莊子絳。絳生獻子荼。荼生簡子取。取生襄子多。多生桓子駒。駒生文侯斯。  
禮記正義

澍按絳一引作降。史記世家作絳。又云武子生悼子。司馬貞云。世本武仲生莊子絳。無悼子。而居篇曰。魏悼子徙霍。則是有悼子。世本卿大夫。代自脫耳。廣韻引世本云。魏絳。莊子。史記世家。魏絳諡作昭子。徐廣曰。世本作莊子。司馬貞曰。世本錯也。居篇又云。昭子徙安邑。亦與此文同。左傳亦作莊子。索隱引世本云。畢萬生芒季。芒季生武仲州。禮記正義引世本云。萬生芒。芒生季。以一人為二人。恐誤。左傳。武子名鱣。州鱣聲相近。字因以異。代亦不同。一引云。曼多生桓子駒。又按史記。晉文公令魏武子襲魏氏之封。列為大夫。治於魏。生悼子。悼子徙治霍。生魏絳。徙治安邑。魏絳卒。諡為昭子。生魏嬴。嬴生魏獻子。獻子生魏侈。侈之孫曰魏桓子。桓子孫曰文侯都。世次與世本不同。

士獻子名荼。茶。莊子之子。史記索隱

澍按茶即舒字。故史記作舒。又史記絳生魏嬴。嬴生獻。而世本無魏嬴。同左氏。

獻子生簡子取。取生襄子多。史記索隱

澍按多即左傳魏曼多也。史記魏襄子生魏侈。司馬貞云。侈一本作哆。字誤。世數亦錯。則侈是襄子中。

間少簡子一代。

桓子生文侯斯。史記索隱。

樹按司馬貞云傳曰孺子癘是魏駒之子與此世代亦不同也斯史記作都。

錡魏犇孫。左宣十二年疏。

樹按宣十二年傳晉魏錡求及族未得正義曰世本目為犇孫服虔左注云錡魏犇子疑服說非。

魏惠王生襄王嗣襄王生昭王遯。史記索隱。

樹按惠王名瑩武侯之子即位稱王追尊父惠王為王昭王哀王子哀王卒昭王三年喪畢始稱元年立十九年卒今國策補注遯作速又按荀勗曰和嶠云紀年起自黃帝終於魏之今王今王者魏惠成王子於世本蓋襄王也按太史公書惠成王但言惠王惠王子曰襄王襄王子曰哀王惠王三十六年卒襄王立十六年卒并惠襄為五十二年今按古文成惠王立三十六年改元稱一年改元後十七年卒太史公書為誤分惠成之世以為二王之年數也世本惠王生襄王而無哀王然則今王者魏襄王也又按史記魏世家及孔衍敘魏語皆有哀王而世本無哀王一代蓋脫耳。

昭王生安僖王名圉。史記索隱。

樹按昭王哀王子安僖王一引作安釐王古字通也史記僖王昭王子立三十四年卒。

安僖王生景愍王午。史記索隱。

澍按史記作景湣王立十五年卒。子王假立。三年秦虜王假滅魏爲郡縣。

吳譜。

壽夢生夷昧及僚。夷昧生光。左昭二十七年疏。

澍按公芊傳謁也。餘祭也。夷昧也。與季子同母者四人。史記紀壽夢四子亦約公芊文。但以僚爲餘昧子。光爲諸樊子爲異耳。徐廣引吳越春秋云。王僚夷昧子。然左氏屈狐庸對趙文子謂夷末甚德而度其天所啓也。必此君之子孫實終之。若以僚爲夷昧子。不應此言。又光言我王嗣。則光是夷昧子。僚是壽夢庶子也。服虔云。夷昧生光而廢之。僚者夷昧之庶兄。夷昧卒。僚代立。故光曰我王嗣也。是用公芊爲說也。杜預言光諸樊子。是用史記爲說也。

吳拔楚終犁。路史注。

澍按史記作鍾離。云吳之邊邑。卑梁與楚邊邑鍾離爭桑。兩家交怒。楚王滅卑梁。吳王亦發兵使公子光滅鍾離也。事在諸樊九年。

燕譜。

燕幽州郡北燕。太平御覽。宋衷云。有南燕。故名北燕。

樹按南燕。姑姓。伯儵國。在鄭衛之間。北燕。伯欸。姬姓。在晉之北。

召穆公。是康公之十六世孫。詩正義曰。依世本云。

樹按服虔左傳解詁云。召穆公。召康公十六世孫。為王卿士。

燕惠侯卒。釐侯立。釐侯卒。頃侯立。頃侯卒。哀侯立。哀侯卒。鄭侯立。鄭侯卒。繆侯立。繆侯卒。宣侯立。

樹按宋衷據大史公書補世本。其文又闕。今仍依史記補之。

燕自宣侯已上。一作下。皆父子相傳。故無所疑。桓侯已下。並不言屬。以其難明故也。史記索隱。

樹按譙允南引世本之言如此。索隱云。世本無燕代系。宋忠依太史公書以補其闕。尋徐廣作音。尚引

世本。蓋近代始散逸耳。

襄公卒。桓公立。桓公薨。閔公立。史記索隱。

樹按史記。閔公作文公司馬貞云。世本以上文公為閔公。則閔與湣同。而懿公之父。又諡文。譙周曰。世

家襄伯生宣伯。無桓公。今檢史記。並有桓公立十六年。宋忠據此。史補世本。亦有桓公。是燕有三桓公

也。是譙允南所見本異。又按索隱云。燕四十二代。有二惠侯。二僖侯。二宣侯。三桓侯。二文侯。蓋國微失

本諡。

燕王喜。

澍按顏氏家訓云世本左丘明作而有燕王喜蓋後人驕入非丘明本文又按史記燕王喜之三十三  
年燕亡

杞譜

杞共公靖公。子生惠公。惠公立十八年。生成公。及桓公。成公立十八年。桓公立十七年。史記索隱宋忠云杞  
今陳留雍丘縣。蓋周封杞居雍丘。至春秋時杞已遷東國。故左氏隱四年傳云莒人伐杞取牟婁牟婁者  
東邑也。

澍按高誘曰共公名襄昭公之子惠公史記作德公又脫成公一代下云弟桓公姑容立非也此據徐  
廣注引世本又按桓公十七年尚史作七十年誤

桓公成公之弟

左襄六年疏

澍按譙周古史考云惠公生成公及桓公蓋本此書而言杜預左注成公行夷禮以終其身故于其卒  
經書子以貶之

滕譜

錯叔繡文王子封於滕。漢地理志水經注宋忠云今沛國公丘是滕國也。

澍按左傳郈雍曹滕文之昭也班固以錯叔繡爲懿王子未詳所據

隱公之後。仍有六世孫。左隱七年疏。

澍按通考。隱公名虞母。

考公麋。元公弘。即定公文公也。趙歧孟子注。

澍按趙歧孟子注。古紀世本錄諸侯之世。滕國有考公麋。與文公之父定公相直。其子元公弘。與文公相直。似後世避諱。改考公為定公。以元公行文德。故謂之文公也。又按諡法。大慮行節曰考。安民大慮曰定。主義行德曰元。慈惠愛民曰文。義亦相通。

齊景公亡滕。左隱七年疏。

澍按左隱七年疏云。按齊景公之卒。在滕隱之前。世本言隱公之後。仍有六世為君。而云齊景公亡滕。為謬何甚。服虔左注亦云齊景亡滕。是依世本為說也。

曹譜。

曹戴伯子惠伯兕。據史記補。宋忠云。曹今濟南定陶縣。孫檢云。兕音徐子反。曹惠伯或名雉。或名弟。或復名弟兕也。

澍按史記正義言。孫檢亦注世本。此為世本注文。故據史記補之。又按戴伯。蘇幽伯彊之弟也。殺幽伯自立。惠伯兕。年表作惠公伯雉。

穆公子桓公終生。史記集解。孫檢云。一作終濕。濕音生。

澍按惠伯子石甫即位。其弟武殺之。代立。是為繆公。三年卒。桓公立。在位五十三年。

悼伯卒。弟露靖公立。史記索隱。

澍按史記悼公薨。弟聲公野立。平公弟通殺之。代立。是為隱公。四年。聲公弟露殺之。露自立。是為靖公。在位四年。又按譙周云。春秋無其事。檢世本悼伯卒。弟露立。諡靖公。實無聲公隱公。是蓋彼文自疏也。

邾譜。

邾國曹姓。陸終第五子曰安。周武王封其苗裔挾為附庸。居邾。挾之後顏。左莊公五年疏。

澍按邾武公名夷。字顏。杜預小邾譜謂之夷父。路史作伯顏。公芊云。邾婁顏蓋邾復遷婁。故曰邾婁也。或云邾人語聲後曰婁。如句吳於越之比。又按公芊謂顏以亂魯被誅。立其弟叔術。叔術致國於其子

夏父。

邾莊。

邾莊公名顛。

澍按劉原父孟子外篇注。高誘引世本云。邾莊公名顛。今據補。又按竹書紀年。晉烈公四年。越子末句

滅邾。以邾子鳩歸。鳩字與顛字相似。

諡法篇。

澍按玉海書目沈約諡法篇序云大戴禮及世本舊並有諡法而二書傳至約時已亡其篇。



本館據二酉堂叢  
書本排印初編各  
叢書僅有此本

世  
本